

資治通鑑補

資治通鑑補卷第十五

宋涑水司馬光編集

後學天台胡三省音註

明

後學吳郡嚴衍甫

後學吳郡談允厚參

漢紀七

起文帝十一年盡景帝前二年凡十五年

太宗孝文皇帝下

十一年冬十一月上行幸代春正月自代還夏六月梁懷王

揖薨無子賈誼復上疏曰陛下卽不定制如今之勢不過一傳再

傳諸侯猶且人恣而不制豪植而大強漢法不得

言其於豪自植立太過於強也

行矣陛下所以爲藩扞及皇太子之所恃者唯淮陽代二國耳

王武代王參帝之子而太子代北邊匈奴與強敵爲鄰能自完則

之弟也故云所持唯此二國

足矣而淮陽之比大諸侯廬如黑子之著面適足以餌大國言國小如

魚餌適足為所吞食而不足以有所禁禦方今制在陛下制國而令子適足

以為餌豈可謂工哉臣之愚計願舉淮南地以益淮陽而為梁王

立後割淮陽北邊二三列城與東郡以益梁不可者可徙代王而

都睢陽睢陽故宋國微子所封班志屬梁國括地志宋州宋城縣在州南二里外城中本漢之睢陽縣也漢文帝封子武於

大梁以其地卑濕梁起於新鄆而北著之河班志新鄆縣屬汝南徙睢陽故城曰梁

漢興為新鄆師古曰領淮陽包陳而南鍵之江陳即謂古陳國之川縣也鄆音雌又音斐

也如清曰鍵謂立封界也則大諸侯之有異心者破膽而不敢謀或曰鍵接也鍵音建

梁足以扞齊趙淮陽足以禁吳楚陛下高枕終無山東之憂矣此

二世之利也當今恬然適遇諸侯之皆少數歲之後陛下且見之

矣夫秦日夜苦心勞力以除六國之既今陛下力制天下願指如

意高拱以成六國之既難以言智苟身無事畜亂宿既熟視而不  
定萬年之後傳之老母弱子將使不甯不可謂仁帝於是從誼計  
徙淮陽王武爲梁王北界泰山西至高陽得大縣四十餘城梁王  
捐之薨也以墮馬死諡自傷爲傅無狀哭泣歲餘而死時年三十

三矣

徙城陽王喜爲淮南王

宮城陽王草之子齊悼惠王肥之孫

匈奴寇狄道

狄道縣爲隴西郡治所師古曰其地有狄種故曰狄道

太子家令潁川臧錯上言兵事

太子家令

屬詹事張晏曰太子浦家故曰家令臣瓚曰茂陵中書太子家令秩八百石潁川本韓國秦置卽漢因之○臧音朝曰兵法

曰有必勝之將無必勝之民繇此觀之安邊境立功名在於良將  
不可不擇也臣又聞用兵臨戰合刃之急者三一日得地形二曰  
卒服習三曰器用利兵法曰丈五之溝漸車之水山林積石經川  
邱阜草木所在此步兵之地也車騎二不當一土山邱陵曼衍相

屬平原廣野此車騎之地也步兵十不當一平陵相遠川谷居閒  
仰高臨下此弓弩之地也短兵百不當一兩陣相近平地淺草可  
前可後此長戟之地也劒楯三不當一荏韞竹蕭草木蒙龍枝葉  
茂接此矛鋌之地也鋌音譚又音延長戟二不當一曲道相伏險阨相薄  
此劒楯之地也弓弩三不當一士不選練卒不服習起居不精動  
靜不集趨利弗及避難不畢前擊後解與金鼓之道相失此不習  
勒卒之過也百不當十兵不完利與空手同甲不堅密與袒裼同  
弩不可以及遠與短兵同射不能中與無矢同中不能入與無鏃  
同此將不省兵之既也備註將不省兵謂不揀擇兵器也五不當一故兵法曰器  
械不利以其卒予敵也卒不可用以其將予敵也將不知兵以其  
主予敵也君不擇將以其國予敵也四者兵之至要也臣又聞小

大異形強弱異勢險易異備夫卑身以事彊小國之形也合小以

攻大敵國之形也師古曰彼我之力不能相勝則須連結外援共制之也以蠻夷攻蠻夷中

國之形也師古曰不煩華夏之兵使其同類自相攻讐也今匈奴地形技藝與中國異上

下山阪出入溪澗中國之馬弗與也弗與猶言不如也險道傾仄且馳且

射中國之騎弗與也風雨罷勞飢渴不困中國之人弗與也此匈

奴之長技也若夫平原易地輕車突騎則匈奴之眾易撓亂也師古曰突騎言其驍銳可用衝突敵人也勁弩長戟射疏及遠疏亦謂遠也勁弩所以射遠則

匈奴之弓弗能格也堅甲利刃長短相雜遊弩往來什伍俱前師古曰五人為伍

十人為什則匈奴之兵弗能當也材官驍發矢道同的如清曰

處平易之地矢可以同射也臣瓚曰材官驍射之官也射者驍發

其用矢者同中一的言其工妙也師古曰驍矢之善者春秋傳作

最其音同而材官有材力者驍發發驍矢以射也手工矢

善故中則同的的謂所射之準臬也○驍音都臬音櫟則匈奴

之革筥木薦弗能支也孟康曰革筥以皮作如篋者被之木薦以木板作如榻○筥音四下馬地

關劔戟相接去就相薄薄迫也則匈奴之足弗能給也此中國之長

技也以此觀之匈奴之長技三中國之長技五陛下又興數十萬

之眾以誅數萬之匈奴眾寡之計以一擊十之術也雖然兵凶器

戰危事也故以大為小以彊為弱在俯仰之間耳師古曰言不知其術則雖大必

小雖彊必弱夫以人之死爭勝跌而不振服虔曰蹉跌則悔之無及也

帝王之道出於萬全今降胡義渠蠻夷之屬來歸誼者其眾數千

飲食長技與匈奴同賜之堅甲絮衣勁弓利矢益以邊郡之良騎

令明將能知其習俗和輯其心者以陛下之明約將之卽有險阻

以此當之平地通道則以輕車材官制之兩軍相為表裏各用其

長技衡加之以眾衡與此萬全之術也帝嘉之賜錯書百問之書

言狂夫之言而明主擇焉今則不然言者不狂而擇者不明國之大患故在於此使夫不明擇於不狂是以萬聽而萬不當也錯又上言曰臣聞秦起兵而攻胡粵者非以衛邊地而救民死也貪戾而欲廣大也故功未立而天下亂且夫起兵而不知其勢戰則爲人禽屯則卒積死夫胡貉之地積陰之處也木皮三寸冰厚六尺食肉而飲酪其人密理鳥獸羣毛其性能寒能音湯越之地少陰多陽其人疏理鳥獸希毛其性能暑秦之戍卒不耐其水土戍者死於邊輸者償於道秦民見行如往棄市因以謫發之名曰謫戍先發吏有謫及贅婿賈人後以嘗有市籍者又後以大父母父毋嘗有市籍其後入閭取其左發之不順行者憤怨凡民守戰至死而不降北者以計爲之也故戰勝守固則有拜爵之賞攻城屠邑



則得其財鹵以富家室故能使其眾蒙矢石赴湯火視死如生今

秦之發卒也有萬死之害而亡銖兩之報死事之後不得一算之

復漢律人出一算  
算百二十錢天下明知禍烈及已也陳勝行戍至於大澤爲

天下先倡天下從之如流水者秦以威劫而行之之敝也胡人衣

食之業不著於地其勢易以擾亂邊境往來轉徙時至時去此胡

人之生業而中國之所以離南晦也今使胡人數轉牧行獵於塞

下以候備塞之卒卒少則人陛下不救則邊民絕望而有降敵之

心救之少發則不足多發遠縣纔至則胡又已去聚而不罷爲費

甚大罷之則胡復入如此連年則中國貧苦而民不安矣陛下幸

憂邊境遣將吏發卒以治塞甚大惠也然今遠方之卒守塞一歲

而更歲更見十三  
卷高后五年不知胡人之能不如選常居者家室田作且以

備之以便為之高城深塹

因山川地形之要

害之處通川之道調

立城邑毋下千家

師古曰謂謂築度之也總計城邑之中令有千家以上也

先為室屋具田器

乃募民免罪拜爵

謂有罪者免其罪無復其家謂民之欲往者予罪者拜爵以勸其徙

復除其家征食

冬夏衣稟食能自給而止

師古曰初徙之時縣官且稟給其衣食於後能自供贍乃止也

其無夫

若妻者縣官買予之人情非有匹敵不能久安其處塞下之民祿

利不厚不可使久居危難之地胡人入驅而能止其所驅者以其

半予之

師古曰言胡人入為寇驅略漢人及畜產也人能止得其所驅者令其木主以半賞之

縣官為贖其

民

補註言所予之半畜產則已若民則官為贖之

如是則邑里相救助赴胡不避死非以

德上也欲全親戚而利其財也此與東方之戍卒不習地勢而心

畏胡者功相萬也以陛下之時徙民實邊使遠方無屯戍之事塞

下之民父子相保無係虜之患利施後世名稱聖明其與秦之行

怨民相去遠矣

師古曰行怨民言發怨恨之民使行成役也

上從其言募民徙塞下錯

復言陛下幸募民徙以實塞下使屯戍之事益省輸將之費益寡

如淳曰甚大惠也下吏誠能稱厚惠奉明法存卹所徙之老弱善將送也

遇其壯士和輯其心而勿侵刻使先至者安樂而不思故鄉則貧

民相慕而勸往矣臣聞古之徙民者相其陰陽之和當其水泉之

味審其土地之宜觀其草木之饒然後營邑立城製里割宅先為

築室家有一堂二內門戶之閑置器物蒔民至有所居作有所用

此民所以輕去故鄉而勸之新邑也

之往也

為置醫巫以救疾病以

脩祭祀男女有昏

師古曰昏謂婚姻配合也

生死相卹墳墓相從種樹畜長

日種樹謂桑果之屬張晏曰畜長六畜也賁父日所種以對畜積長茂余謂畜長當從張說

室屋完安此所以

使民樂其處而有長居之心也臣又聞古之制邊縣以備敵也使

五家爲伍伍有長十長一里里有假士四里一連連有假五百十

連一邑邑有假候

服虔曰五百師名也仲馮曰古者戍皆有期代則不置故曰假謂其體設舊假司馬之類亦非

常置也余謂五百師後所謂伍伯也賈公彥曰伍伯者漢制五人爲伍伯長也沈約曰舊說古者君行師從卿行旅從旅者五百人也今諸官府至郡各置伍百四以象師從旅從依古義也候軍候也皆擇其邑之賢材有護師古曰

之能

者也習地形知民心者居則習民於射法出則教民於應敵故卒

伍成於內則軍政定於外服習以成勿令遷徙幼則同遊長則共

事夜戰聲相知則足以相救晝戰目相見則足以相識驩愛之心

足以相死如此而勸以厚賞威以重罰則前死不還踵矣

師古曰還踵同

旋其足也

○還音旋所徙之民非壯有材力但賞衣糧不可用也雖有材力

不得良吏猶亡功也陛下絕匈奴不與和親臣竊意其冬來南也

豈大治則終身創矣欲立威者始於折膠

蘇林曰秋氣至膠可折已考可用匈奴常以爲

後而來而不能困使得氣去師古曰使之得勝逞志氣而去後未易服也錯為人

隋直刻深師古曰隋與暗同謂峻陞也軍中商刑名於張恢以文學為太常掌

故時天下無治尚書者獨濟南伏生治尚書年九十餘不可徵乃

詔太常使錯往受之伏生老甚不能正言言不可曉使其女傳言

教錯齊人詔與潁川吳錯所不知者十二三略以其意屬讀而已

還因上便宜事以書稱說詔以為太子舍人門大夫家金以其辯

得幸太子太子家號曰智囊繹武侯周勃卒勃微時以織薄曲

為生蘇林曰薄一名曲師古曰薄曲為曲然則織薄曲者織曲為席也常為人吹簫給喪事然為

人木強敦厚高帝以為可屬大事勃不好文學每召諸生說士東

向坐而責之趣為我語其椎魯少文如此

西歷十二年冬十二月河決酸棗東潰金隄東郡大興卒塞之班志酸棗

縣屬陳留郡師古曰金隄在東郡白馬界今滑州括地志金隄一名千里堤在白馬縣東五里尔據河隄自汴口以東終河積石爲隄通河古口咸曰金隄又水經注濮陽縣故城在河南與衛縣分水城北十里有佩河口有金隄舊志金隄自開封府滎陽縣東至千乘海口千餘里歷代築之以禦河患通謂之金堤 春正月賜諸侯女邑各二千戶

三月除關無用傳如舊曰兩

分持其一出入關合之乃得通謂之傳也李奇曰傳築也師古曰古者或用柴或用絹帛築者刻木爲合符也康曰傳以木爲之長尺五書符 鼂錯言於上曰聖王在上而民不凍飢者非能耕而食之織而衣之也爲開其資財之道也故堯有九年之水湯有七年之旱而國亡捐瘠者師古曰瘠瘦病也言無相棄捐而瘦病者以畜積多而備先具也今海內爲一土地人民之衆不減湯禹加以無天災數年之水旱而畜積未及者何也地有遺利民有餘力生穀之土未盡墾山澤之利未盡出游食之民未盡歸農也夫寒之於衣不待輕暖飢

之於食不待甘旨飢寒至身不顧廉恥人情一日不再食則飢終歲不製衣則寒夫腹飢不得食膚寒不得衣雖慈父不能保其子君安能以有其民哉明主知其然也故務民於農桑薄賦斂廣畜積以實倉廩備水旱故民可得而有也民者在上所以牧之民之趨利如水走下四方無擇也夫珠玉金銀飢不可食寒不可衣然而眾貴之者以上用之故也其爲物輕微易藏在於把握可以周海內而無飢寒之患此令臣輕背其主而民易去其鄉盜賊有所勸亡逃者得輕資也粟米布帛生於地長於時聚於力非可一日成也數石之重中人弗勝師古曰中人者處強弱之中也不爲姦邪所利一日弗得而飢寒至是故明君貴五穀而賤金玉今農夫五口之家其服役者不下二人師古曰服役也其能耕者不過百晦百晦之收不

過百石春耕夏耘秋穫冬藏伐薪樵治官府給繇役春不得避風

塵夏不得避暑熱秋不得避陰雨冬不得避寒凍四時之閒無日

休息又私自送往迎來弔死問疾養孤長幼在其中勤苦如此尙

復被水旱之災急政暴賦賦斂不時朝令而暮改有者半賣而賣

師古日本值千錢止得五百也無者取倍稱之息如滯日取一於是有賣田宅鬻

妻子以償責者矣而商賈大者積貯倍息小者坐列販賣師古曰

商坐販曰賈列市列也操其奇贏日游都市師古曰奇贏謂有餘財而蓄衆奇異之物

也一說奇謂殘餘物也乘上之急所賣必倍師古曰上所求急則倍倍貴故其男不耕耘

女不蠶織衣必文采食必粱肉無農夫之苦有仟伯之得師古曰仟謂千

錢伯謂百錢也今俗猶謂百錢爲一百因其富厚交通王侯力過吏勢以利相傾干

里游敖冠蓋相望乘堅策肥履絲曳縞乘堅車策肥馬師古曰堅謂好車也縞皓素也縞之



精白此商人所以兼并農人農人所以流亡者也今法律賤商人  
商人已富貴矣尊農夫農夫已貧賤矣故俗之所貴主之所賤也  
吏之所卑法之所尊也上下相反好惡乖忤而欲國富法立不可  
得也方今之務莫若使民務農而已矣欲民務農在於貴粟貴粟  
之道在於使民以粟爲賞罰今募天下入粟縣官得以拜爵得以  
除罪如此富人有爵農民有錢粟有所渫渫古曰渫散也夫能入粟以受  
爵皆有餘者也取其有餘以供上用則貧民之賦可損損古曰損減也所  
謂損有餘補不足令出而民利者也今令民有車騎馬一匹者復  
卒三人如清曰復三卒之葬錢也或曰除三夫不作甲卒車騎者  
天下武備也故爲復卒神農之教曰有石城十仞湯池百步帥古  
湯湯爲池不可摧帶甲百萬而無粟弗能守也以是觀之粟者王

逆言隆固之甚

帶甲百萬而無粟弗能守也以是觀之粟者王

者大用政之本務今民入粟受爵至五大夫以上

師古曰五大夫第九爵

乃

復一人耳此其與騎馬之功相去遠矣爵者上之所擅師古曰出

於口而無窮粟者民之所種生於地而不乏夫得高爵與免罪人

之所甚欲也使天下人人入粟於邊以受爵免罪不過三歲塞下之

粟必多矣帝從之令民入粟於邊拜爵各以多少級數為差

時令入粟

六百石爵上造稍增至四千石為五大夫萬二千石為大庶長錯復奏言陛下幸使天下入粟塞

下以拜爵甚大惠也竊恐塞卒之食不足用大漂天下粟邊食足

以支五歲可令入粟郡縣矣

師古曰入諸郡縣以備凶災也

郡縣足支一歲以上

可時赦勿收農民租如此德澤加於萬民民愈勤農大富樂矣上

復從其言詔曰道民之略在於務本朕親率天下農十年於今而

野不加辟歲一不登民有飢色

師古曰登成也言五穀一歲不成則眾庶飢餓是無畜積之故也

是從事焉尙寡

師古曰從事謂從農事也

而吏未加務吾詔譬數下歲勸民種

樹而功未興是吏奉吾詔不勤而勸民不明也且吾農民甚苦而吏莫之省將何以勸焉其賜農民今年租稅之半又詔曰孝悌天下之大順也力田爲生之本也三老眾民之師也廉吏民之表也朕甚嘉此二三大夫之行今萬家之縣云無應令豈實人情是吏舉賢之道未備也其遣謁者勞賜三老孝者帛人五匹悌者力田二匹廉吏二百石以上率百石者二匹及問民所不便安而以戶口率置三老孝悌力田常員令各率其意以道民焉 吳國有馬生魚

十二年春二月甲寅詔曰朕親率天下農耕以供桑盛

饗曰明桑在器

日皇后親桑以供祭服其具禮儀

初秦時祝官有祕祝卽有災

祥輒移過於下夏詔曰蓋聞天道禍自怨起而福緣德興百官之  
非宜由朕躬今秘祝之官移過於下以彰吾之不德朕甚弗取其  
除之齊太倉令淳于意有罪當刑逮捕詣長安意無男有五女  
相隨而泣意怒罵曰生子不生男緩急無可使於是少女緹縈傷  
父之言乃隨父至長安上書曰妾父爲吏齊中皆稱其廉平今坐  
法當刑妾傷夫死者不可復生刑者不可復屬雖後欲改過自新  
其道無緣也妾願沒入爲官婢漢志丞卷令典官婢以贖父刑罪使得自新  
天子憐悲其意赦之意少喜醫方及長又更師同郡元里公乘陽  
慶元里里名公乘爵名陽慶姓名慶使意盡去其故方更以禁方與之傳黃帝扁  
鵲之脈書五色診病病無不愈然意行遊諸侯不以家爲家或不  
爲人治病病家多怨之故止書告其罪上既赦意卽召問所爲治

病生死驗者幾何人主名爲誰意具悉而對且述其師慶之言曰

人之生也安穀者過期不安穀者不及期故陽虛侯相趙章病迴

風迴風者風洞徹入人四支○迴音洞臣診其脈當五日死後十日而死所以過期

者以其人嗜粥故中藏實中藏實故過期耳 帝既感緹縈之事

而赦其父濇于意五月遂下金曰制詔御史蓋聞有虞氏之時畫

衣冠異章服以爲戮而民不犯何治之至也今法有肉刑三及刑

左右而姦不止其咎安在非朕德之薄而教不明與吾甚自愧故

夫訓道不純而愚民陷焉詩曰愷弟君子民之父母大雅洞今人

有過教未施而刑已加焉或欲改行爲善而道無繇至朕甚憐之

夫刑至斷支體刻肌膚終身不息師古曰何其刑之痛而不德也

豈爲民父母之意哉其餘肉刑有以易之及令罪人各以輕重不

亡逃有年而免

孟康曰有罪而不亡逃者滿其年數得免為庶人

具為令

師古曰使丞相

張蒼御史大夫馮敬奏請定律曰諸當髡者為城旦舂

髡去其髮也舂

其形髡應劭曰城旦者且起行治城者婦人不髡外髡但舂作米出四歲刑也

當黥髡者鉗為城旦舂

鉗以鐵束其頸當劓者答三百當斬左止者答五百當斬右止及殺人先

自告及吏至受賕枉法守縣官財物而即盜之已論而復有答罪

者皆棄市

師古曰止足也當斬右足趾者以其罪次重故從而棄市也殺人先自告謂殺人先自首於官得免罪者也吏

受賕杜法謂受賂而此公法者也守縣官財物而即盜之即今律所謂主守自盜者也殺人害重受賕盜物贓汗之身長此三罪已

被論而又犯罪人獄已決為城旦舂者各有歲數以免

城旦舂滿三歲為鬼

薪白粲鬼薪白粲一歲為隸臣妾隸臣妾一歲免為庶人隸臣妾滿二歲為司寇司寇一歲及作如司寇二歲皆免為庶人制

曰可是時上既躬脩元默而將相皆儔功臣少文多質懲惡亡秦

之政論議務在寬厚恥言人之過失化行天下告訐之俗易吏安

其官民樂其業畜積歲增戶口寢息風流篤厚樂罔疏闊罪疑者予民是以刑罰大省至於斷獄四百有刑錯之風焉 六月詔曰農天下之本務莫大焉今勤身從事而有租稅之賦是爲本末者無以異也其於勸農之道未備其除田之租稅賜天下孤寡布帛絮各有數

十四年冬匈奴老上單于十四萬騎入朝那蕭關

班志朝那縣屬安定郡

劭曰史記匈奴傳云朝那縣在朝那界唐屬原州之境後置蕭關縣爲武州治所史記正義曰蕭關今在隴山關在原州平涼縣界

蕭關在平涼府城東南蕭關在平涼府鎮原縣西北一百四十里

殺北地都尉印

徐廣曰印姓段師古曰非

也姓孫

虜人民畜產甚多遂至彭陽使奇兵入燒回中宮候騎

至雍甘泉

班志彭陽縣屬安定郡師古曰卽今彭原縣地志彭陽縣故城在今涇州臨涇縣東二十里彭原南州雍縣

班志

帝以中尉周舍郎中令張武爲將軍發車千乘騎卒十萬

軍長安旁以備胡寇而拜昌侯盧卿為上郡將軍甯侯魏遼為北

地將軍隆慮侯周竈為隴西將軍屯三郡昌侯甯侯隆慮侯皆高祖功臣昌侯周竈

郡南侯國在河內南武縣界隆慮侯國亦屬河內郡三人分屯三郡故各以郡為將軍號上親勞軍勒兵申教

令賜吏卒自欲征匈奴羣臣諫不聽皇太后固要上乃止於是

以東陽侯張相如為大將軍成侯董赤成侯董赤高帝功臣董赤之子成侯國屬沛郡內史

樂布皆為將軍擊匈奴單于留塞內月餘乃去漢逐出塞即還不

能有所殺時隴西李廣以良家子從軍擊胡用善騎射殺首虜多

為武騎常侍嘗從行有所衝陷折闕及格猛獸帝曰惜乎子不遇

時如今當高帝時萬戶侯豈足道哉上輦過郎署問郎署長馮

唐曰署郎舍也父老何自為郎家何在對曰臣大父趙人父徙代上曰

吾居代時吾尚食監高祛尚食監主膳食之官數為我言趙將李齊之賢戰



於鉅鹿下

當是秦將王離鉅鹿時

今吾每飯意未嘗不在鉅鹿也父知之乎

唐對曰尙不如廉頗李牧之爲將也上搏髀曰

搏拊也左傳曰搏唐而驅○舊音搏

薛音

嗟乎吾獨不得廉頗李牧爲將吾豈憂匈奴哉唐曰陛下雖

得廉頗李牧弗能用也上怒起入禁中良久召唐讓曰公柰何眾

辱我獨無閒處乎唐謝曰鄙人不知忌諱上方以胡寇爲意乃卒

復問唐曰公何以知吾不能用廉頗李牧也唐對曰臣聞上古王

者之遣將也跪而推轂曰闔以內者寡人制之闔以外者將軍制

之闔門闔也○音獨又音厥

軍功爵賞皆決於外歸而奏之此非虛言也臣

大父言李牧爲趙將居邊軍市之租

素隱曰軍中立市有稅稅卽租也皆自用費

士賞賜決於外不從中覆也

師古曰覆謂覆白之也一說不從中覆校其所用之數亦通

委任

而責成功故李牧乃得盡其智能選車千三百乘騎萬三千百

金之士十萬

弓弩引滿為發箭騎兵能射者服度日良士直百金

是以北逐單于破東胡滅

濫林

濫林即德縣西抑州秦南支韓魏當是之時趙幾霸其後會

趙王遷立用郭開讒卒陳李牧

事見六卷始

皇十八年

令顏聚代之是以兵

破士北為秦所禽滅今臣竊聞魏尚為雲中守其軍市租盡以饗

士卒出私養錢

索隱曰按漢市肆田稅之入為私奉養服虔曰私原假錢也或云官所別給也

五日一椎

牛以饗賓客軍吏舍人是以匈奴遠避不近雲中之塞虜曾一入

尚率車騎擊之所殺甚眾夫士卒燕家人子起田中從軍安知尺

籍伍符

李奇曰尺籍所以書軍令伍符軍士伍伍相保之符信也如淳曰漢軍法曰吏卒斬首以尺籍書下縣移郡令人故

行不行奪勢二歲伍符亦什五之符要節度也或曰以尺籍書故

曰尺籍也索隱曰按尺籍者謂書其斬首之功於一尺之板伍符

者令軍人伍伍相保不容姦詐也終日力戰斬首捕虜上功幕府一言不相應文

吏以法繩之其賞不行而吏奉法必用臣愚以為陛下賞太輕罰

太重且雲中守魏尙坐上功首虜差六級陛下下之吏削其爵罰

作之蘇林曰一歲刑爲罰作由此言之陛下雖得廉頗李牧弗能用也上說

是日令唐持節赦魏尙復以爲雲中守而拜唐爲車騎都尉 春

詔曰朕獲執犧牲珪幣以事上帝宗廟十四年於今歷日彌長以

不敏不明而久撫臨天下朕甚自愧其廣增諸祠壇珪幣晉先

王遠施不求其報望祠不求其福右賢左戚先民後己至明之極

也師古曰築土爲壇除土爲塲珪幣所以薦神今吾聞祠官祝釐如清曰釐福也師古曰釐本作禧假借用

耳皆歸福於朕躬不爲百姓朕甚愧之夫以朕之不德而專饗獨

美其福百姓不與焉是重吾不德也其令祠官致敬無有所祈

是歲河間文王辟彊薨 初丞相張蒼以爲漢得水德魯人公孫

臣以爲漢當土德其應黃龍見蒼以爲非罷之

公孫臣上書曰始秦得水德推終始

傳漢高土德土德之應黃龍見宜改正朔服色尚黃張蒼  
以為漢乃水德河決金堤其待也公孫臣言非是罷之

丙十五年春黃龍見成紀班志成紀縣屬天水郡庖犧所生處帝

召公孫臣拜為博士與諸生申明土德草改歷服色事師古曰草

張蒼由此自絀夏四月上始幸雍郊見五帝秦立白帝赤帝黃

高帝又立黑帝時赦天下高祖之為漢王也問有司曰吾聞天有

五帝而秦祀止四何也有司不知所對高祖曰吾知之矣待我而

五也乃立北時於是遂有五帝噫九月詔諸侯王公卿郡守舉

賢良能直言極諫者上親策之太子家令鼂錯對策高第擢為中

大夫錯又上言宜削諸侯及法令可更定者書凡三十篇上雖不

盡聽然奇其材是歲齊文王則河閒哀王福皆薨無子國除齊王

則哀王嬰之子悼惠王肥之孫河陽王福辟雍之子趙幽王之孫趙人新垣平以望氣見上言

資治通鑑補卷十五漢紀七十四

長安東北有神氣成五采或曰東北神明之舍西方神明之墓也

天瑞下宜立祠上帝以合符應於是作渭陽五帝廟韋昭曰在渭陽

祀志云在長安東北非渭城也韋說謬矣余據水北為陽長安在渭南渭城在渭北五帝廟或在渭城界韋說未可非也括地志渭陽五帝廟在雍州咸陽縣東三十里補註渭陽五

帝廟在西安府城西北二十里舊長安城東北

十六年夏四月上郊祀五帝于渭陽五帝廟爾雅五帝廟南臨渭北穿蒲池澧水

燄火舉而祠若於是貴新垣平至上大夫周官有上大夫漢官有光輝然屬天屬

夫爵十九級有大夫五大夫而上大夫不見於表賜累千金而使博士諸生刺六經中作

王制師古曰制采取也謀議巡狩封禪事又於長門道北立五帝

壇如淳曰長門亭名在長安城東南括地志長門故亭在雍州長安縣東北苑中甯錢時帝出長門若見五人於道北遂因其北

北立五帝壇徙淮南王喜復為城陽王又分齊為六國丙寅立

齊悼惠王子在者六人楊虛侯將閭為齊王安都侯志為濟北王

武成侯賢為菑川王白石侯雄渠為膠東王平昌侯卬為膠西王

勃侯辟光為濟南王淮南厲王子在者三人阜陵侯安為淮南王

安陽侯勃為衡山王陽周侯賜為臨江王

十一年徙城陽王喜王淮南今復其舊將復以

淮南地分王厲王三子安勃賜也揚虛縣水經河水過揚虛縣注引地理志曰揚虛平原之隸縣也城在高唐之西南而班志無此

縣不知鄴道元所謂志者何志也史記正義曰安都故城在瀛州高陽縣西南三十九里濟北王都盧武成史記作武城索隱曰武

城縣屬平原正義曰貝州縣舊川王都劇班志金城郡有白石縣正義曰白石故城在德州安德縣北二十里膠東王都劇墨班志

平昌侯國屬平原郡屬西王都高苑勃侯國屬平原郡濟南王都東平陵阜陵縣屬九江郡淮南王都壽春安陽屬汝南郡衡山王

都六陽屬縣屬上郡盧江王都江南。勃音勃

秋九月新垣平使人持玉杯上壽闕下

獻之平言上曰闕下有寶玉氣來者已視之果有獻玉杯者刻曰

人主延壽平又言臣侯日再中居頃之曰卻復中於是始更以十

七年為元年令天下大酺

漢律三人無故羣飲罰金四兩今詔橫賜得會聚飲酒師古曰酺布也書王德

布於天下而合聚飲食爲醴周禮族師春秋祭醴注醴者爲人焚  
害之神也有馬醴有蝶螟之醴與人思之醴亦爲壇位如雩祭族  
長無飲酒之禮因祭醴而與其民以長幼相獻醴焉正義曰古者  
祭醴聚錢飲酒故後世聽民聚飲皆謂之醴漢書每有嘉慶令民  
大醴是其事也彼注云因祭醴而與其民長幼相醴鄭注所謂平  
祭醴合禮也○醴音蒲蝶因國醴音明醴音劇醴音具又音渠平  
言曰周鼎亡在泗水中今河決通於泗臣望東北汾陰直有金寶  
氣班志汾陰縣屬河東郡師古曰直謂正當汾陰也宋白曰蒲州  
寶鼎縣古綸氏地夏少康所邑也汾水南流過縣漢置汾陰縣  
今縣百九十里意周鼎其出乎兆見不迎則不至於是上使使治  
廟汾陰南臨河欲祠出周鼎

成後元年冬十月人有上書告新垣平所言皆詐也下吏治誅夷

平是後上亦怠於改正服鬼神之事師古曰正正朔也服服色也而渭陽長門

五帝使祠官領以時致禮不往焉 春三月孝惠皇后張氏薨

詔曰聞者數年不登又有水旱疾疫之災朕甚憂之愚而不明未

達其咎意者朕之政有所失而行有過與乃天道有不順地利或  
不得人事多失和鬼神廢不享與何以致此將百官之奉養或費  
無用之事或多與何其民食之寡乏也夫度田非益寡而計民未  
加益以口量地其於古猶有餘而食之甚不足者其咎安在無乃  
百姓之從事於末以害農者蕃爲酒醪以靡穀者多六畜之食焉  
者眾與細大之義吾未得其中其與丞相列侯吏二千石博士議  
之有可以佐百姓者率意遠思無有所隱

紀後二年夏上行幸雍城陽宮

黃圖曰城陽宮秦昭王所起  
括地志在岐州扶風縣東北

六

月代孝王參薨

匈奴連歲入邊殺略人民畜產甚多雲中遼東

最甚

遼東戰國時燕之  
東北境秦置郡

郡萬餘人上患之乃使使遺匈奴書曰皇

帝敬問匈奴大單于無恙使富戶且渠雕渠難郎中韓遼遺朕馬



二正已至敬受先帝制長城以北引弓之國受命單于長城以內  
冠帶之室朕亦制之使萬民耕織射獵衣食父子無離臣主相安  
俱無暴逆今聞漂惡民貪其進取之利倍義絕約忘萬民之命離  
兩主之驩然其事已在前矣書曰二國已和親兩主驩悅寢兵休  
卒養馬世世昌樂闢然更始朕甚嘉之聖人者日新改作更始使  
老者得息幼者得長各保其首領而終其天年朕與單于俱由此  
道順天息民世世相傳施之無窮天下莫不咸便漢與匈奴鄰敵  
之國匈奴處北地寒殺氣早降故詔吏遺單于氈罽金帛絲絮他  
物歲有數今天下大安萬民熙熙朕與單于爲之父母朕追念前  
事薄物細故謀臣計失皆不足以離兄弟之驩朕聞天不頗覆地  
不偏載朕與單于皆捐往細故俱蹈大道墮城前惡以圖長久使

兩國之民若一家子元元萬民下及魚鼈上及飛鳥跂行喙息蠕

動之類莫不就安利而避危殆故來者不止天之道也

鼓鼙服不替地也遠

方有跂行喙息蠕動無足而行也朕聞古之帝王約分明而無

食言和親之後漢過不先單于亦使當戶報謝

匈奴官自左右賢王至左右大當戶

凡二十四長

復與匈奴和親下詔天下曰朕既不明不能遠德使四荒

之外不安其生封圻之內勤勞不處二者之咎皆自於朕之德薄

而不能遠遠也聞者匈奴竝暴邊境邊臣兵吏又不能諭其內志

以重吾不德今朕夙興夜寐勤勞天下憂苦萬民爲之惻怛不安

未嘗一日忘於心故遣使者冠蓋相望結轍於道以諭朕志於單

于今單于反古之道計社稷之安便萬民之利新與朕棄細過脩

之大道結兄弟之義以全天下元元之民和親以定始於今年

八月戊戌丞相張蒼免嘗陽武人也秦時爲御史主柱下方書有  
罪亡歸及高祖略地過陽武蒼以客從攻南陽坐法當斬解衣伏  
質身長大肥白如瓠王陵見而怪其美士乃言於高祖赦勿斬已  
而有功封北平侯深德王陵終身父事之陵死後事其夫人雖貴  
爲丞相每洗沐常先朝陵夫人上食然後敢歸家蒼免相後老口  
中無齒食乳女子爲乳母年百有餘歲而卒帝以皇后弟豐廣國  
賢有行欲相之曰恐天下以吾私廣國久念不可而高帝時大臣  
餘見無可者謂高帝大臣薨逝之餘其見存之臣無可相者御史大夫梁國申屠嘉故以  
材官蹶張從高帝梁國本案陽郡漢爲梁國如滿曰材官之多力者能踴躍強弩張之故曰蹶張師古曰今之考  
以手張者爲蹶張封關內侯庚午以嘉爲丞相封故安侯班志故安縣屬  
以足蹶者爲蹶張封關內侯庚午以嘉爲丞相封故安侯班志故安縣屬  
派郡括地志今易州界武陽城中東南隅故城是也嘉爲人廉直門不受私謁是時太中大

夫鄧通方愛幸賞賜累鉅萬帝嘗燕飲通家其寵幸無比嘗入

朝而通居上旁有怠慢之禮嘉奏事畢因言曰陛下幸愛羣臣則

富貴之至於朝廷之禮不可以不肅上曰君勿言吾私之師古曰言欲私

告戒罷朝坐府中風俗通府聚也公卿牧守道德之所聚也又舍也嘉爲檄召通詣丞相

府師古曰檄木書也長二尺不來且斬通通恐入言上上曰汝第往吾今使人

召召通詣丞相府免冠徒跣頓首謝嘉曉音嘉坐自如弗爲禮責

曰夫朝廷者高帝之朝廷也通小臣戲殿上大不敬當斬吏今行

斬之通頓首首盡出血不解上度丞相已困通使使持節召通而

謝丞相曰此吾弄臣君釋之鄧通既至爲上泣曰丞相幾殺臣震

益嘗道遇嘉下車拜謁丞相從車上謝益益愧其吏乃之丞相舍

上謁丞相良久而見之益跪曰願請開丞相曰使君所言公事之

曹與長史掾議吾且奏之即私耶吾不受私語盜即起說曰君爲丞相自度孰與陳平絳侯丞相曰吾不如益曰善夫陳平絳侯輔高帝定天下爲將相君乃爲材官蹶張非有奇計與攻城野戰之功且陛下從代來每朝郎官上書未嘗不止輦受其言者欲以致天下賢士大夫日聞所不聞故日益聖智君今自閉錙天下之口而日益愚夫以聖主寶愚相君受禍不久矣丞相乃再拜曰嘉鄙野人將軍幸教之引入與坐爲上客

後二年春二月上行幸代 秋大雨晝夜不絕三十五日藍田山水出流九百餘家壞民室八千餘所殺三百餘人 是歲匈奴老上單于死子軍臣單于立

後四年夏四月丙寅晦日有食之 月末爲晦天文書每月日月相會月在日後則光體伏矣

五月赦天下 上行幸雍

壬午後五年春正月上行幸隴西三月行幸雍秋七月行幸代 是

年齊雍城門外狗生角

京房易傳曰君子苟免小人陷之厥妖狗生角

癸後六年冬匈奴三萬騎入上郡三萬騎入雲中所殺略甚眾燎

火通於甘泉長安

文穎曰邊方備胡寇作高土牆上作桔槔桔槔頭兜零以薪草置其中常低之有寇即燃火舉

之以相告曰烽又多積薪寇至即燃之以望其煙曰燧

以中大夫令免為車騎將軍屯飛狐

師古曰中大夫官名其人姓令名免耳此諸將軍下至徐厲皆書姓而徐廣以為中大夫令是官名此說非也據百官表景帝初改

衛尉為中大夫令文帝時無此官而故楚相蘇意為將軍屯句注

補註句注山在太原府代州西二十五里

將軍張武屯北地秦滅義渠置北地郡內河太守周亞

夫為將軍次細柳

項羽以河內郡為殷國高帝滅殷復置河內郡服虔曰細柳在長安西北如道曰長安細柳在

在渭北近石磧張揖曰在昆明池南今有柳市是也臣瓚曰一宿曰宿再宿曰信遲信為次師古曰匈奴傳云置三將軍軍長安西

細柳渭北棘門霸上此則細柳不在渭北按說是也索隱曰按三輔故事細柳在直城門外阿房宮西北維舊唐書肅宗母元獻楊后葬細柳原舊註細柳在西安府城內昆明池南宗正劉禮爲將軍次霸上祝茲侯徐厲

爲將軍次棘門

索正索官韋親屬漢因之徐厲高祖功臣呂后四年封祝茲侯史記表作松滋班志松滋縣屬江

郡孟康曰棘門在長安北秦時宮門也如淳曰棘門在橫門外橫門長安城北出西頭第一門舊註棘門在西安府舊咸陽縣東北里以備胡上自勞軍至霸上及棘門軍直馳入將以下騎送迎

已而之細柳軍軍士吏被甲銳兵刃彀弓弩持滿天子先驅至不得入先驅曰天子且至軍門都尉曰將軍令曰軍中聞將軍令不聞天子之詔居無何上至又不得入於是上乃使使持節詔將軍吾欲入營勞軍亞夫乃傳言開壁門壁門士請車騎曰將軍約軍中不得馳驅於是天子乃按轡徐行至營將軍亞夫持兵揖曰介冑之士不拜請以軍禮見禮介者不拜天子爲動改容式車使人稱謝

皇帝敬勞將軍成禮而去既出軍門羣臣皆驚上曰嗟乎此真將

軍矣曩者霸上棘門軍若兒戲耳其將固可襲而虜也至於亞夫

可得而犯耶稱善者久之月餘漢兵至邊匈奴亦遠塞漢兵亦罷

乃拜周亞夫為中尉為後以亞夫夏四月大旱蝗舊古曰蝗即

災今俗呼為饑蝗說文曰一日令諸侯無入貢弛山澤解也解而

不禁與眾減諸服御損郎吏員發倉庾以振民應劭曰水漕倉曰

庶同其利倉在野曰庾庾曰民得賣爵庚胡公曰在邑曰

凡倉無屋曰庾甲後七年食漢書不書故通鑑亦逸夏六月己亥帝崩于未央宮

臣瓚曰壽遺詔曰朕聞之蓋天下萬物之萌生靡不有死死者天

地之理物之自然奚可甚哀當今之世咸嘉生而惡死厚葬以破

業重服以傷生吾甚不取且朕既不德無以佐百姓今崩又使重



服久臨以罹寒暑之數罹遭也哀人父子傷長老之志損其飲食絕

鬼神之祭祀以重吾不德謂天下何朕獲保宗廟以眇眇之身託

於天下君王之上二十有餘年矣賴天之靈社稷之福方內安甯

靡有兵革朕既不敏常懼過行以羞先帝之遺德惟年之久長懼

于不終今乃幸以天年得復供養于高廟其奚哀念之有其令天

下吏民令到出臨三日皆釋服毋禁取婦嫁女祠祀飲酒食肉自

當給喪事服臨者皆無跣經帶毋過三寸毋布車及兵器應劭曰

衣車及兵器也毋發民哭臨宮殿中殿中皆臨者皆以旦夕各十五舉音

禮畢罷非旦夕臨時禁毋得擅哭臨已下棺服大功十五日小功

十四日纖七日釋服喪禮大功之服七升八升九升小功十升十一升

無所不佩鄭注云大祥除衰杖黑經白紵曰緇說緇冠者采緇也無所不佩者紵之屬如平常也凡正義曰禪而緇者禪祭

之時元冠朝服禪祭既訖而首著素纁冠身著素纁黃裳以至吉祭無所不佩者吉祭之時身尋常吉服平常所服之物無不佩也服虔曰大功小功布也纁細布衣也應劭曰凡三十六日而禪服矣此以日易月也師古曰此喪制者文帝曰事已意創而為之非有取於周禮也何為以日易月乎三年之喪其實二十七個月豈有三十六月之文禪又無七月也應氏既失之於前近代學者因循絜說未之思也賈父曰文帝制此喪服斷自己葬之後其未葬之前則服斬衰漢諸帝自崩至葬有百餘日者未葬則服不除矣程方進傳後以終既葬三十六日起視事其服也說者遂以日易月又不通計葬之日皆大謬也考之文帝意既葬除重服制大功小功所以漸卽吉耳賈公彥曰布之情粗新衰三升齊衰有三等或四升或五升或六升小功大功如前說總麻十五升抽去半朝服十五升○禪上他不在令中者皆以此令比類從事布告天下使明

知朕意霸陵山川因其故毋有所改

應劭曰因山為藏不復起墳山下川流不遇絕就其水名

以爲陵號耳師古曰霸陵在長安東南

歸夫人以下至少使

應劭曰夫人已下有美入良人八子七子長使

少使皆遣歸

乙巳葬霸陵謚曰文帝卽位二十三年宮室苑囿車

騎服御無所增益有不便輒弛以利民嘗欲作露臺召匠計之直

百金上曰百金中人十家之產也吾奉先帝宮室嘗恐羞之何以

璽為身衣弋綈

師古曰弋黑也

所幸慎夫人衣不曳地帷帳無文繡以示

敦朴為天下先治霸陵皆瓦器不得以金銀銅錫為飾因其山不

起墳

古者墓而不墳墳者聚土使之高大也皇甫謐曰漢長陵高十三丈陽陵高十四丈安陵三十餘丈則不度甚矣

吳

王詐病不朝賜以几杖羣臣袁盎等諫說雖切常假借納用焉張

武等受賂金錢覺更加賞賜以媿其心專務以德化民是以海內

安甯家給人足後世鮮能及之

兩錄帝好黃老之學嘗讀老子經有所不解數事乃使人問河上公

公曰道尊德貴非可蓋問帝即幸河上躬問之帝曰城中四大王居其一子雖有道猶吾民也何自高乎公即撫掌坐躍冉冉在空中

中去地數丈便而答曰余上不至天中不累人下不居地何民臣之有帝乃下車稽首公授帝素書二卷曰熟研此經所疑皆了不

事多言也言

畢失其所存

丁未太子即皇帝位

鄭樵曰漢大赦舉三公奏尚書賜命太子即日即天子位

于樞前請太子即皇帝位皇后為皇太后奏可羣臣皆出吉服入會如儀大星升自阊闔當掖門生北面稽首讀冊畢以冊授王璽

綏東面跪抄皇太子卽皇帝位告令羣臣羣臣皆伏  
稱萬歲或大赦天下羣臣百僚罷入成喪服如禮 尊皇太后薄

氏曰太皇太后皇后曰皇太后 九月有星孛于西方 是歲長

沙王吳著薨無子國除 高帝封吳芮爲長沙王傳成王臣哀初高

祖賢文王芮制詔御史長沙王忠其定著令 鄧展曰漢豹非劉氏

使特王也或曰以芮至忠故著令也仲馮曰兼用鄧二說乃著令

之意也貢父曰長沙王忠其定著令定著令者謂於令者長沙王

車服土地 至孝惠高后時封芮庶子二人爲列侯傳國數世絕

帝旣立張釋之以前事恐稱病欲免去懼大誅至用王生計廷謝

帝得免王生善爲黃老言處士也文帝時嘗召居廷中公九卿

盡會立王生老人顧謂張釋之曰我襪解爲我結襪釋之跪而結

之旣已人或謂王生曰獨奈何延辱張廷尉使跪結襪王生曰吾

老且賤自度終無益於張廷尉張廷尉方今天下名臣吾故聊辱

廷尉使跪結襪欲以重之諸公聞之賢王生而重張廷尉

孝景皇帝上

荀悅曰諱敗之字曰開文帝長子也應劭曰禮設法布義行剛曰景在位十六年

元年冬十月詔曰孝文皇帝臨天下通關梁不異遠方除誹謗  
去肉刑賞賜長老收恤孤獨以遂羣生減嗜欲不受獻罪人不辜  
不誅亡罪不私其利也除宮刑出美人重絕人之世也朕既不敏  
不能勝識此皆上世之所不及而孝文皇帝親行之德厚侔天地  
利澤施四海靡不獲福明象乎日月而廟樂不稱朕甚懼焉其爲  
孝文皇帝廟爲昭德之舞以明休德其與丞相列侯中二千石禮  
官具禮儀奏丞相嘉等奏功莫大於高皇帝德莫盛於孝文皇帝  
高皇帝廟宜爲帝者太祖之廟孝文皇帝廟宜爲帝者太宗之廟  
天子宜世世獻祖宗之廟郡國諸侯宜各爲孝文皇帝立太宗之

廟應劭曰始取天下者曰祖高帝稱高祖是也始治天下者曰宗

文帝謂宗是也師古曰應說非也祖始也始受命也宗尊也

有德可稱貢父曰頗說非也始受命制曰可春正月詔曰開者

稱大剛耳有功亦稱祖高祖甲是也歲比不登民多乏食天絕天年朕甚痛之郡國或磽陬無所農桑

蠲畜或地饒廣薦草莽水泉利而不得徙其議民欲徙寬大

地者噫之草稱曰蒿夏四月乙卯赦天下遣御史大夫青至

代下與匈奴和親開封侯陶青高市五月復收民田牛租文帝

年賜民田租之牛次年盡除田之租稅今復收半租秋七月詔曰吏受所監

臨以飲食免重受財物賤買貴賣論輕廷尉與丞相更議著令廷

尉信謹與丞相議曰吏及諸有秩受其官屬所監所治所行所將

其與飲食計償費勿論他物若買故賤賣故貴皆坐贓為盜沒入

贓縣官吏遷徙免罪受所監臨財物及賤買貴賣者止于論決為

受所監臨賄遺飲食即坐免官于法太重而

受所監臨財物及賤買貴賣者止于論決為

受所監臨財物及賤買貴賣者止于論決為

漢紀七

太皇太后令更嚴之所行謂  
所按察也所將謂將領也 初文帝除肉刑外有輕刑之名內實

殺人斬右止者又當死斬左止者答五百當剗者答三百率多死

是歲下詔曰加笞與重罪無異  
孟康曰重罪謂死刑 幸而不死不可為人其

定律答五百曰三百答三百曰二百 以太中大夫周仁為郎中

令張敞為廷尉  
敞音 楚元王子平陸侯禮為宗正  
平陸戰國時齊邑班志東平國

有東平陸縣又西河郡有平陸縣意禮所封者齊地 中大夫鼂錯為左內史仁始為太子舍

人  
內史掌治京邑武帝建元六年始分左右內史疑左右字衍續漢志太子舍人更而宿衛如三署郎中 以廉謹得幸

張敞亦事帝於太子宮雖治刑名家為人長者帝由是重之用為

九卿敞為吏未嘗言按人專以誠長者處官官屬以為長者亦不

敢大欺主其獄事有可御御之不可者不得已為涕泣面而封之

其愛人如此 初文帝嘗病癰瘡通嘗為帝吮之文帝不樂從容

其愛人如此

問通曰天下誰最愛我者乎通曰宜莫若太子太子問疾帝使吮  
癰太子雖吮之而有難色已而聞通常吮心慙由此怨通矣及文  
帝崩帝立通免家居居無何人有告通盜出徼外鑄錢遂沒入通  
家財尙負責數巨萬長公主賜通吏輒隨沒入之一簪不得著身  
長公主者館陶公主也於是長公主乃令假衣食竟不得名一錢寄死人家

**〔西〕**二年冬十二月有星孛于西南 令天下男子年二十始傅古

曰舊制二十三而傅今此二十更爲異制也 春三月甲寅立皇子德爲河間王闕爲

臨江王餘爲淮陽王非爲汝南王彭祖爲廣川王發爲長沙王發  
之母微無寵故王卑濕貧國及後二年來朝有詔令諸王更前稱  
壽歌舞至長沙王但張袖小舉手左右笑其拙上怪問之對曰臣  
國小地狹不足迴旋帝乃以武陵零陵桂陽屬焉 詔曰故相國



蕭何高皇帝大功臣所與爲天下也今其祀絕朕甚憐之其以武

陽縣戶二千封何係嘉爲列侯夏四月壬午太皇太后薄氏崩

六月丞相申屠嘉薨時內史鼂錯數請聞言事輒聽寵幸傾九

卿漢正卿九卿常郎中令衛尉太僕廷尉典客宗正治粟內史少府是也諸法令多所更定丞相嘉

自紉所言不用疾錯錯爲內史東出不便更穿一門南出南出者

太上皇廟塋垣也三輔黃圖太上皇廟在長安香室街南馮翊府北武帝分內史爲左右後又改左內史爲左馮

翊括地志漢太上皇廟在涿州長安縣西北長安故城中酒池之北服虔曰塋垣宮外垣餘地也師古曰內史之外餘地也。漢書

載平嘉聞錯穿宗廟垣爲泰請誅錯客有語錯錯恐夜入宮上謂

自歸上至朝嘉請誅內史錯上曰錯所穿非眞廟垣乃外塋垣故

允官居其中師古曰允謂散輩也如今之散官且又我使爲之錯無罪丞相嘉謝

罷朝嘉謂長史曰吾悔不先斬錯乃請之爲錯所賢至舍因歐血

而死錯以此愈貴 秋與匈奴和親 八月丁未以御史大夫開

封侯陶青為丞相

在志開封縣 孟河在郡

丁巳以內史遷錯為御史大夫

彗星出東北

秋衡山雨雹大者五寸深者二尺

大戴禮曰孔子云陽之專氣

為散陽之專氣為電為風之氣在雨水則凝而為雨陰氣薄而為霜之不相入則薄而為電也盛陰之氣在雨水則凝而為雪陽氣薄而為霜之不相入則消散而下為水而為露○

九月膠東下

密人年七十餘生角角有毛

古曰角兵象上向者也天戒若曰補從老人生也老人吳玉象也年七十

七國

樊噲逆行守北辰

月出北辰閒

歲星逆行天廷中

樊

大星北辰中宮天極星也月有九行黑道二出黃道北自立冬冬至行之青道二出黃道東立春春分行之赤道二出黃道南立夏夏至行之白道二出黃道西立秋秋分行之其去極有遠近終不能出北辰之閒出北辰閒失其行也歲星木星也太微為天廷陳天文志北極及太微人君之位或守之或出之或逆行經之皆變也又石氏星傳曰龍左角為天田右角為天廷孔穎達曰春秋緯文紫微宮為大帝太微為天廷中有五帝座

梁王武以驪太后少子故有龍王四十

餘城居天下膏腴地賞賜不可勝道府庫金錢且百鉅萬

鉅萬萬也

珠玉寶器多於京師築東苑方三百餘里廣睢陽城七十里

唐宋州治

宋城縣即睢陽縣補註睢陽即省入開封府歸德州

大治宮室為複道自宮連屬於平臺三

十餘里

如瀟曰平臺在梁東北離宮所在師古曰今其城東二十里所有故臺基其處寬博俗云平臺也

招延四

方豪俊之士如吳人枚乘嚴忌

嚴忌本姓莊漢書避明帝諱改為嚴

齊人羊勝公孫

詭鄒陽蜀人司馬相如之屬皆從之遊每入朝上使使持節以乘

輿馴馬迎梁王於闕下既至寵幸無比入則侍上同蒞出則同車

射獵上林中因上疏請留且半歲梁侍中郎謁者著籍引出入天

子殿門

史記正義曰籍謂名簿也若今通引出入門也

與漢宦官無異

資治通鑑補卷十五終

資治通鑑補卷第十六

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀八

起前三年盡後三年凡十四年

孝景皇帝下

三年冬十月梁王武來朝時上未置太子與梁王宴飲從容言

曰千秋萬歲後傳於王王辭謝雖知非至言然心內喜太后亦然

詹事齊嬰

唐志詹事秦官掌皇后太子家應劭曰詹省也給也臣

詹事隨其所

引卮酒進上曰天下者高祖之天下父子相傳漢之

約也上何以得傳梁王太后由此憎嬰嬰因病免太后除嬰門籍

不得朝請門籍出入宮殿門之籍也梁王以此益驕 十一月楚國呂縣有白

頸烏與黑烏羣鬪白頸不勝墮泗水中死者數千對向以為烏羣鬪者師戰之象

也白頸者小春正月乙巳赦 長星出西方 洛陽東宮災洛陽

明小者敗也 二月邯鄲狗與彘交是時趙王廷恃亂與

吳楚謀為逆遣使匈奴求助兵卒伏其辜大吹守兵革初孝文

時吳太子入見楚漢春秋曰吳太子名賢字德明得侍皇太子飲博吳太子博爭

道不恭皇太子引博局提吳太子殺之遣其喪歸葬至吳吳王愠

曰天下同宗死長安即葬長安何必來葬為復遣喪之長安葬吳

王由此稍失藩臣之禮稱疾不朝京師知其以子故繫治驗問吳

使者吳王恐始有反謀時淮陰枚乘為吳王郎中知其情奏書諫

曰忠臣不避重誅以直諫則事無遺策功流萬世臣乘願披腹心

而效思忠唯大王少加意念夫以一縷之任係千鈞之重上縣無  
極之高下重不測之淵雖甚愚之人猶知哀其將絕也馬方駭鼓  
而驚之係方絕又重鎮之係絕於天不可復結墜入深淵難以復  
出其出不出聞不容髮能聽忠臣之言百舉必脫必若所欲爲危  
於乘則難於上天變所欲爲易於反掌安於泰山今欲極天命之  
壽敝無窮之樂究萬乘之勢不出反掌之易以居泰山之安而欲  
乘橐卵之危走上天之難此愚臣之所以爲大王惑也人性有畏  
其影而惡其迹者卻背而走迹愈多影愈疾不如就陰而止影滅  
迹絕欲人勿聞莫若勿言欲人勿知莫若勿爲欲湯之滄一人炊  
之百人揚之無益也音音不如絕薪止火而已不絕之於彼而救  
之於此譬猶抱薪而救火也養由基楚之善射者也去楊葉百步

百發百中楊葉之大加百中焉可謂善矣然其所止乃百步之內耳比於臣乘未知操弓持矢也福生有基禍生有胎納其基絕其胎禍何自來泰山之鑿穿石單極之統斲幹水非石之鑽索非木之鋸漸靡使之然也

單細也單極統猶言輕細之統也統統同

夫銖銖而稱之至石必

差寸寸而度之至丈必過石稱丈量徑而算失夫十圍之木始生

如櫟足可搔而絕手可擢而拔據其未生先其未形也磨礱底厲

不見其損有時而盡種樹畜養不見其益有時而大積德案行不

知其善有時而用棄禮背義不知其惡有時而亡臣願大王熟計

而身行之吳王不納乘乃去而之梁從王遊後莫王使人爲秋請

孟康曰律春曰朝秋曰請應劭曰冬當斷秋先請擇其輕重也○請音淨文帝復問之使者對曰王

實不病漢緊治使者數輩吳王恐以故遂稱病夫察見淵中魚不

祥語見韓子唯上棄前過與之更始於是文帝乃赦吳使者歸之

而賜吳王几杖老不朝吳得釋其罪謀亦益解然其居國以銅鹽

故百姓無賦卒踐更輒予平賈服虔曰以當爲更卒出錢三百謂

欲得民心以爲卒者羅其庸隨時月予平賈晉灼曰謂借人自代

爲卒者官爲出錢居其時庸平賈也師古曰晉說是索隱曰案漢

律卒更有三歲更居更滿更也此言踐更與平賈者謂歲時存

問茂材賞賜閭里他郡國吏欲來捕亡人者公共禁弗予如此者

四十餘年鼂錯數上書言吳過可削文帝寬不忍罰以此吳日益

橫及帝卽位錯說上曰昔高帝初定天下昆弟少諸子弱大封同

姓齊七十餘城楚四十餘城吳五十餘城封三庶孽分天下半今

吳王前有太子之卻卻與陳同詐稱病不朝於古法當誅文帝弗忍因

賜几杖德至厚當改過自新反益驕溢卽山鑄錢煮海水爲鹽誘



天下亡人謀作亂今削之亦反不削亦反削之其反亟禍小不削

反遲禍大上令公卿列侯宗室雜議莫敢難獨竇嬰爭之由此與

錯有卻及楚王戊來朝錯因言戊往年為薄太后服私姦服舍師古

日服舍居喪之女若室之屬也。聖有惡惡二音請誅之詔赦削東海郡東海郡即秦郡郡高帝更名

及前年趙王遂有罪削其常山郡膠西王卬以賣爵事有姦膠西後改

為高削其六縣廷臣方議削吳吳王濞恐削地無已因發謀舉事

念諸侯無足與計者聞膠西王勇好兵諸侯皆畏懼之於是使中

大夫應高口說膠西王曰吳王不肖有徧夕之憂不敢自外使喻

其驩心王曰何以教之高且今者主上任用邪臣聽信讒賊侵削

諸侯誅罰良重日以益甚語有之曰括糠及米師古曰括用舌食也蓋以犬為喻言

初括糠送至食米也索隱曰言括糠盡則至米謂削土盡則至滅國也。括有塔是二音又貪入聲吳與膠西知名

諸侯也一時見察不得安肆矣吳王身有內疾

古曰謂疾在身中不顯於外也

不能朝請二十餘年常患見疑無以自白脅肩累足猶懼不見釋

師古曰脅肩也謂斂之也累足重足也並謂懼耳

竊聞大王以簡事有過所聞諸侯削地

罪不至此

師古曰言其罪皆不至於削地

此恐不止削地而已王曰有之子將柰

何高曰同惡相助同好相留同情相成同欲相趨同利相死今吳

王自以為與大王同憂願因時循理棄驅以除患於天下意亦可

乎膠西王瞿然駭曰

說文瞿驚貌說師古曰瞿然無守之貌

寡人何敢如是主上雖

急固有死耳安得不事高曰御史大夫鼂錯營惑天子

師古曰營謂回繞之

也侵奪諸侯諸侯皆有背叛之意人事極矣彗星出蝗蟲起此焉

世一時而愁勞聖人所以起也吳王內以鼂錯為誅外從大王後

車方洋天下

方洋猶翱翔也○方音旁

所向者降所指者下莫敢不服大王誠

幸而許之一言則吳王率楚王略函谷關守滎陽敖倉之粟距漢

兵治次舍須大王師古曰次舍息止之處須待也大王幸而臨之則天下可併兩

主分割不亦可乎王曰善歸報吳王吳王猶恐其不果乃身自爲

使者至膠西而約之膠西羣臣或聞王謀諫曰諸侯地不能當漢

十二爲叛逆以憂太后非計也文穎曰謂王之太后也今承一帝尙云不易

假令事成兩主分爭患乃益生王不聽遂發使約齊菑川膠東濟

南皆許諾齊王將國菑川王賢膠東王卬皆文帝封初楚元王好書與魯申公

穆生白生俱愛詩於浮邱伯思錄浮邱伯者荀卿門人也元王少時與三人從之游及秦焚書各別去

高后時浮邱伯在長安元王復遣子卬客與申公俱卒業元王好詩諸子皆讀詩申公始爲詩傳號魯詩元王亦有傳號元王詩

及王楚以三人爲中大夫穆生不嗜酒元王每置酒常爲穆生設

醴及子夷王孫王戊卽位師古曰禮甘酒少常設後乃忘設焉膠

生退曰可以逝矣醴酒不設王之意怠不去楚人將鉗我於市遂稱疾臥申公白生彊起之曰獨不念先王之德與今王一旦失小禮何足至此穆生曰易稱知幾其神乎幾者動之微吉凶之先見者也君子見幾而作不俟終日先王之所以禮吾三人者爲道存也今而忽之是忘道也忘道之人胡可與久處豈爲區區之禮哉區區謂小也遂謝病去申公白生獨留王戊稍淫暴太傅韋孟作詩諷諫不聽亦去居於鄒戊因坐削地事遂與吳通謀申公白生諫戊戊胥靡之衣之赭衣使鴃舂於市皆灼曰高祖舉梓正身而舂之謂步曰休侯富使人諫王孟子去齊居休趙岐註曰休地名蓋卽富所封之地富楚元王之子夷王之弟也王曰季父不吾與我起先取季父矣休侯懼乃與母太夫人犇京師及削吳會稽豫章郡書至吳王濞遂先起兵誅漢吏二千石

以下膠西膠東菑川濟南楚趙亦皆反楚相張尙太傅趙夷吾諫  
王戊戌殺尙夷吾趙相建德內史王悍諫王遂遂燒殺建德悍齊  
王將闔初雖許楚後復狐疑背約城守濟北王恚欲起兵會城壞  
未完其郎中令劫守王不得發膠西王卬膠東王雄渠爲渠率渠  
也補註漢書吳王傳云齊孝王狐疑城守不聽三國兵共圍齊張  
晏註曰三國卬膠西菑川濟南也通鑑此處何以更有膠東耶  
與菑川王賢濟南王辟光共攻齊國臨菑趙王遂發兵住其西界  
欲待吳楚俱進北使匈奴與連兵吳王悉其士卒下令國中曰寡  
人年六十二身自將少子年十四亦爲士卒先諸年上與寡人同  
下與少子等皆發凡二十餘萬人南使閭東越閭東越亦發兵從  
吳王起兵於廣陵廣陵吳郡西涉淮因并楚兵發使遺諸侯書曰敝國  
雖狹地方三千里人雖少精兵可具五十萬寡人素事南越三十

餘年其君王皆不辭分其卒以隨寡人又可得三十餘萬寡人雖不肖願以身從諸王又曰敝國雖貧寡人節衣食之用積金錢修金革聚穀食夜以繼日三十餘年矣願諸王勉用之且寡人金錢在天下者往往而有非必取於吳諸王日夜用之弗能盡有常賜

者告寡人寡人且往遺之於是吳楚共攻梁破棘壁

棘壁在宋州南陵縣西南

殺敗萬人乘勝而前銳甚梁王武遣將軍擊之又敗梁兩軍士卒

皆還走梁王城守睢陽

睢陽梁郡

初文帝且崩戒上曰卽有緩急周亞

夫真可任將兵及七國反書聞上乃拜中尉周亞夫爲太尉將三

十六將軍往擊吳楚詔曰高皇帝親表功德建立諸侯幽王悼惠

王絕無後孝文皇帝哀憐加惠王幽王子遂悼惠王子卬等令率

其先王宗廟爲漢諸國德配天地明竝日月吳王濞信德反義誘

天下亡命罪人亂天下幣稱病不朝二十餘年有司數請瀟罪孝  
文皇帝寬之欲其改行爲善今乃與楚王戊趙王遂膠西王卬濟  
南王辟光菑川王賢膠東王雄渠約從反爲逆無道起兵以危宗  
廟賊殺大臣及漢使者迫劫萬民夭殺無罪燒殘民家掘其邱冢  
甚爲暴虐今卬等又重逆無道燒宗廟鹵御物朕甚痛之朕素服  
避正殿將軍其勸士大夫擊反虜擊反虜者深入多殺爲功斬首  
捕虜比三百石以上者皆殺之無有所置敢有議詔及不如詔者  
皆腰斬上又欲求將察宗室及諸竇無如竇嬰賢乃召嬰嬰入見  
固辭謝病不足任太后亦慙於是上曰天下方有急王孫甯可以  
讓邪乃拜嬰爲大將軍賜金千斤嬰乃言袁盎欒布諸名將賢士  
在家者進之所賜金陳之廊廡下軍吏過輒令財取爲用金無入

家者於是遣曲周侯鄺寄擊趙莊志曲周縣將軍樂布擊齊使嬰

屯滎陽監齊趙兵班志滎陽縣屬河南郡初鼂錯所更令三十章諸侯譴諱

錯父聞之從潁川來錯潁川人謂錯曰上初卽位公爲政用事侵削諸

侯疏人骨肉口語多怨公何爲也錯曰固也不如此天子不尊宗

廟不安父曰劉氏安矣而屈氏危吾去公歸矣遂飲藥死曰吾不

忍見禍逮身後十餘日吳楚七國俱反以誅錯爲名上與錯議出

軍事錯欲令上自將兵而身居守又言徐僮之旁吳所未下者可

以予吳徐僮二縣屬臨淮郡初袁盎嘗爲吳相其兄子種說之曰吳王驕日

久國多姦今苟欲効治彼不上書告君卽利劒刺君矣南方卑溼

君能日飲毋何時說王無反而已如此幸得脫盎用種言吳王遇

之甚厚而錯素與盎不善錯所居坐盎輒避盎所居坐錯亦避兩



人未嘗同堂語及錯爲御史大夫使吏按盜受吳王財物抵辜詔

赦以爲庶人吳楚反錯謂丞史曰

班志御史大夫有兩丞秩千石侍御史十五人

袁盎多

受吳王金錢專爲蔽匿言不反今果反欲請治盎宜知其計謀丞

史曰事未發治之有絕

如淳曰事未發之時治之乃有所絕也

今兵西向治之何益

且盎不宜有謀錯猶豫未決人有告盎盎恐夜見寶嬰爲言吳所

以反願至前日對狀嬰入言上乃召盎盎入見上方與錯調兵食

師古曰調計也計發兵食也

上問盎今吳楚反於公意何如對曰不足憂也上

曰吳王卽山鑄錢煮海爲鹽誘天下豪傑白頭舉事此其計不百

全豈發乎何以言其無能爲也對曰吳銅鹽之利則有之安得豪

傑而誘之誠令吳得豪傑亦且輔而爲誼不反矣吳所誘皆無賴

子弟亡命鑄錢姦人

電懷太子賢曰命名也謂脫其名籍而逃亡

故相誘以亂錯曰盎

策之善上曰計安出盎對曰願屏左右上屏人獨錯在盎曰臣所言人臣不得知乃屏錯錯趨避東廂甚恨上卒問盎對曰吳楚相遣書言高皇帝王子弟各有分地今賊臣誅錯擅適諸侯道讀削奪之地以故反欲西誅錯復故地而罷方今計獨有斬錯發使赦吳楚七國復其故地則兵可毋血刃而俱罷於是上默然良久曰願誠何如吾不愛一人以謝天下盎曰愚計出此唯上熟計之乃拜盎為太常中六年始改奉常為太常時盎為奉常也密裝治行後十餘日上令丞相青中尉嘉廷尉歐丞相青中尉嘉廷尉歐失其姓廷尉張歐劾奏錯不稱主上德信欲疏羣臣百姓乃又欲以城邑子吳無臣子禮大逆無道錯當腰斬父母妻子同產無少長皆棄市制曰可錯殊不知王子上使中尉召錯給戰行市師古曰証云乘車案行市中也錯衣朝衣斬東市

司馬遷曰鼂錯為家令時數言事不用後擅權多所變更諸侯發難不急匡救欲報私讐反以亡軀語曰變古亂常不死則亡豈錯等謂耶

上乃使袁盎與吳王弟子宗正德侯通使吳高祖兄仲之子廢封德侯生通德侯國在

界泰山謁者僕射鄧公為校尉上讐言軍事見上上問曰道軍所來

如清曰道路從吳軍所來也臣竊曰道由也聞鼂錯死吳楚罷不鄧公曰吳為反數十

歲矣發怒削地以誅錯為名其意不在錯也且臣恐天下之士拊

口不敢復言矣上曰何哉鄧公曰夫鼂錯患諸侯彊大不可制故

請削之以尊京師萬世之利也計畫始行卒受大戮內杜忠臣之

口外為諸侯報仇臣竊為陛下不取也於是帝喟然長息曰公言

善吾亦恨之附錄鄧公名先成固人也多奇計建元中上招賢良公卿言鄧公時鄧公免起家為九卿一年復謝病免

歸袁盎劉通至吳吳楚兵已攻梁壁矣宗正以親故先入見諗吳

王令拜父詔

宗正於吳王之子之親也

吳王聞袁盎來知其欲說笑而應曰我

已爲東帝尙誰拜不同見盎而留軍中欲劫使將盎不同使人圍  
守且殺之初袁盎相吳時嘗有從史盜私盎侍兒盎知之弗泄遇  
之如故人或告從史從史乃亡盎驅自追之遂以侍者賜之復爲  
從史及盎使吳爲吳所圍守從史適爲守盎校尉司馬乃悉以其  
裝齎置二石醇醪會天寒士卒飢渴飲酒醉西南陬卒皆臥司馬  
夜引盎起曰君可以去矣吳王期旦日斬君盎弗信曰公何爲者  
司馬曰臣故爲從史盜君侍兒者盎乃驚謝曰公幸有親吾不足  
以累公司馬曰君第去臣亦且亡避吾親君何患乃以刀決帳道  
從醉卒直隧出司馬與分背盎解節毛懷之杖步行七十里明見

梁騎騎馳去遂歸報太尉亞夫將行問父絳侯故客鄧都尉曰策

安出

此處鄧都尉得無即上文之鄧校尉為蜀者僕射者邪不然何多奇計之相同也

客曰吳兵銳甚難

與爭鋒楚兵輕不能久方今為將軍計莫若引兵東北壁昌邑以

梁委吳吳必盡銳攻之將軍深溝高壘使輕兵絕淮泗口塞吳糧

道彼吳梁相敵而糧食竭乃以全強制其罷極破吳必矣亞夫曰

善即以其計請命於上上許之亞夫乘六乘傳

張晏曰傳車六乘也今據漢有乘傳

馳傳文帝之自代入立也張武等乘六乘傳今亞夫乘六乘傳六乘傳之見於史者二蓋又與乘傳不同也

將會兵滎

陽

師古曰會兵

發至霸上趙涉遮說亞夫曰吳王素富懷輯死士

久矣此知將軍且行必置閒人於微灑阨陋之閒

微灑山澗池之閒其道阨陋

且兵事尚秘密將軍何不從此右去走藍田出武關抵洛陽則不過

差一二日

自霸上左趨轍溝至洛陽其道便近若自霸上右趨藍田出武關至洛陽其道迂曲故差一二日

直入

武庫

洛陽有武庫

擊鳴鼓諸侯聞之以爲將軍從天而下也太尉如其

計至洛陽喜曰七國反吾乘傳至此不自意全

師古曰言不自意也

今吾據滎陽滎陽以東無足憂者

或正吳王傳載太尉喜得韓孟通置而去之此蓋公之不知兵也

也蓋洛陽人實樂有韓孟七國得以爲將六乘傳豈得安行入洛哉此太尉之所以喜也今補於後

使吏搜殺澠閒

果得吳伏兵乃請趙涉爲護軍太尉引兵東北走昌邑

昌邑梁地後爲山陽

郡治吳攻梁急梁數使使條侯求救條侯不許又使使慫條侯於

上上使告條侯救梁亞夫不奉詔堅壁不出而使弓高侯等將輕

騎兵出淮泗口

韓王信之子頗當自匈奴中來歸封爲弓高侯功臣表弓高侯營地地理志弓高縣河間國蓋縣當

受封於文帝之初而河間國則三年所置絕吳楚兵後塞其饒道

梁使中大夫韓安國及楚相張尙弟羽爲將軍羽力戰安國持重

乃得頗敗吳兵吳兵欲西梁城守不敢西卽走條侯軍會下邑

下邑

縣屬欲戰條侯堅壁不可戰吳糧絕卒飢敎挑戰終不出條侯軍  
中夜驚內相攻擊擾亂至帳下亞夫堅臥不起頃之復定吳絳壁  
東南陬亞夫使備西北已而其精兵果奔西北不得入吳楚士卒  
多飢死叛散乃引而去二月亞夫出精兵追擊大破之吳王濞棄  
其軍與壯士數千人夜亡走楚王戊自殺吳王之初發也吳臣田  
祿伯爲大將軍田祿伯曰兵屯聚而西無他奇道難以立功臣願  
得五萬人別循江淮而上收淮南長沙入武關與大王會此亦一  
奇也吳王太子諫曰王以反爲名此兵難以借人人亦且反王柰  
何且擅兵而別多他利害蘇林曰祿伯能將兵得漢自爲已利於吳生患也徒自損耳吳  
王卽不許田祿伯吳少將桓將軍說王曰吳多步兵步兵利險漢  
多車騎車騎利平地願大王所過城不下直去疾西據洛陽武庫

食敖倉粟阻山河之險以令諸侯雖無入關天下固已定矣大王  
徐行留下城邑漢軍車騎至馳入梁楚之郊事敗矣吳王問諸老  
將老將曰此年少摧鋒可耳安知大慮於是王不用桓將軍計王  
專并將其兵兵未度淮諸賓客皆得爲將校尉候司馬凡軍行有  
大將裨將  
領軍皆有部曲部有校尉曲有軍候軍司馬又有  
假候假司馬皆有副其別營領屬爲別部司馬獨周邱不用周  
邱者下邳人亡命吳酤酒無行王薄之不任周邱乃上謁說王曰  
臣以無能不得待罪行閒臣非敢求有所將也願請王一漢節必  
有以報王乃予之周邱得節夜馳入下邳下邳時聞吳反皆城守  
至傳舍召令入戶使從者以罪斬令遂召昆弟所善豪吏告曰吳  
反兵且至屠下邳不過食頃今先下家室必完能者封侯矣出乃  
相告下邳皆下周邱一夜得三萬人使人報吳王遂將其兵北略



城邑比至陽城兵十餘萬破陽城中尉軍

陽城漢書作城陽城陽國都其地南接下邳

之境班表王國有中尉掌武職

聞吳王敗走自度無與共成功即引兵歸下邳未

至疽發背死初條侯之出關將至河南得劇孟喜曰吳楚舉大事

而不求孟吾知其無能為已矣天下騷動宰相得之若得一敵國

云劇孟行大類朱家而好博多少年之戲然劇孟母死自遠方送

喪蓋千乘及劇孟死家無餘十金之財 壬午晦日有食之 吳

王之棄軍亡也軍遂潰往往稍降太尉條侯及梁軍吳王度淮走

丹徒

班志丹徒縣屬會稽郡即春秋之朱方括地志丹徒故城在潤州丹徒縣東南十八里而徐州記秦使赭衣繫其處因謂

之丹徒鑿處今在故縣西北六里丹徒縣東南

保東越

欲依東越以自保也

兵可萬餘人收聚亡卒

漢使人以利啗東越東越即給吳王出勞軍使人縱殺吳王

師古

謂以矛戟撞殺之。諸音恩

盛其頭馳傳以聞吳天子駒亡走閭越吳楚反凡

三月皆破滅於是諸將乃以太尉謀爲是然樂王由此與太尉有

隙爲樂王毀桓亞夫張本

三王之圖臨蒞也齊王將圖使路中大夫告於天

子張晏曰姓路

天子復令路中大夫還報告齊王堅守漢兵今破

吳楚矣路中大夫至三國兵圍臨菑數重無從入三國將劫與路

中大夫盟曰若反言漢已破矣齊趣下三國不且見屠路中大夫

既許至城下望見齊王曰漢已發兵百萬使太尉亞夫擊破吳楚

方引兵救齊齊必堅守無下三國將誅路中大夫齊初圖急陰與

三國通謀約未定會路中大夫從漢來其大臣乃復勸王無下三

國會漢將欒布平陽侯曹奇等兵至齊擊破三國兵解圍已後聞

齊初與三國有謀將欲移兵伐齊齊王懼飲藥自殺膠西膠東菑

川王各引兵歸國

以此觀之則所謂三國者乃膠西膠東菑川無濟南也

膠西王徒跣席藥

飲水謝太后王太子德曰漢兵還臣觀之已罷可襲願收王餘兵  
擊之不勝而逃入海未晚也王曰吾士卒皆已壞不可用弓高侯  
韓頰當遣膠西王書曰奉詔誅不義降者赦除其辜復故不降者  
滅之王何處須以從事

問膠西王於降與不降之間  
欲以何自處吾符以行事

王肉袒叩頭

詣漢軍壁謁曰臣叩奉法不謹驚駭百姓乃苦將軍遠道至於窮  
國敢請菹醢之罪弓高侯執金鼓見之曰王苦軍事願聞王發兵  
狀王頓首膝行對曰今者罷錯天子用事臣變更高皇帝法令侵  
奪諸侯地叩等以爲不義恐其敗亂天下七國發兵且誅錯今聞  
錯已誅叩等謹已罷兵歸將軍曰王苟以錯爲不善何不以聞及  
未有詔虎符擅發兵擊義國以此觀之意非徒欲誅錯也乃出詔  
書爲王讀之曰王其自圖王曰如叩等死有餘罪遂自殺太后太

子皆死膠東王卬川王濟南王皆伏誅酈將軍兵至趙趙王引兵

還邯鄲城守

邯鄲趙郡

寄攻之七月不能下匈奴聞吳楚敗亦不肯

入邊榮布破齊還并兵引水灌趙城城壞王遂自殺帝以齊首善

以迫劫有謀非其罪也召立齊孝王太子壽是爲懿王濟北王亦

欲自殺

濟北王志齊悼惠王文帝十六年受封

幸全其妻子齊人公孫櫻謂濟北王

曰

嬰臣請試爲大王明說梁王通意天子說而不用死未晚也

公孫櫻遂見梁王曰夫濟北之地東接疆齊南牽吳越北脅燕趙

此四分五裂之國權不足以自守勁不足以捍寇又非有奇怪云

以待難也雖墜言於吳非其正計也

師古曰言權謀動力既不能捍守又無奇怪神靈可以禦

難恐不能自全故墜言於吳也

鄉使濟北見情實示不從之端則吳必先歷

齊舉濟北

歷過也

招燕趙而總之如此則山東之從結而無隙矣

今吳王連諸侯之兵歐白徒之眾

師古曰白徒素非習軍旅之人猶言白丁也

西與天

子爭衡濟北獨底節不下使吳失與而無助跬步獨進

師古曰半步曰跬

瓦解士崩破敗而不救者未必非濟北之力也夫以區區之濟北

而與諸侯爭彊是以羔犢之弱而扞虎狼之敵也守職不撓可謂

誠一矣功義如此尙見疑於上習肩低首累足撫衿使有自悔不

前之心

自悔者悔不與吳同也不前不豫前道以自歸於漢也

非社稷之利也臣恐藩臣守

職者疑之臣竊料之能歷西山徑長樂抵未央攘袂而正議者

師古

曰西山謂蔽及華山也抵半也攘卻也袂衣袖也攘袂猶今人言

獨也余謂長樂太后居之未央天子居之徑長樂抵未央猶言

自太后所至帝所也獨大王耳上有全亡之助下有安百姓之名德淪於骨

髓恩加於無窮願大王留意詳惟之望王大說使人馳以聞濟北

王得不坐徙封於菑川

藥布既破三國兵又誅齊趙兩王以功

封鄒侯復爲燕相於是喟然曰窮困不能辱身非人也富貴不能  
快意非賢也於是嘗有德者厚報之有怨者必以法滅之燕齊之  
間皆爲立社號曰樂公社 河間王太傅衛綰驩吳楚有功拜爲  
中尉綰以中郎將事文帝醇謹無他上爲太子時召文帝左右飲  
而綰稱病不行文帝且崩屬上曰綰長者善遇之故上亦寵任焉  
帝嘗幸上林詔綰參乘還而問曰君知所以參乘乎綰曰不知也  
上問曰吾爲太子時召君君不何來何也對曰死罪實病上賜之  
劍綰曰先帝賜臣劍凡六劍不敢奉詔上曰劍人之所施易獨至  
今乎施音移 綰曰具在上使使取六劍劍尙盛未嘗服也郎官有譴  
常蒙其罪不與他將爭有功常讓他將 夏六月乙亥詔吏民爲  
吳王濞等所誑誤當坐及逋逃亡軍者皆赦之帝欲以吳王弟德

哀侯廣之子續吳以楚元王子禮續楚

德哀侯廣之子即德侯通也禮時封平陸侯為宗正

賈太后曰吳王老人也宜為宗室順善今乃首率七國紛亂天下

奈何續其後不許吳許立楚後之亥徙淮陽王餘為魯王汝南王

非為江都王王故吳地立宗正禮為楚王立皇子端為膠西王勝

為中山王魯王餘好治宮室欲壞孔子舊宅以廣其宮登其堂聞

鐘磬琴瑟之聲乃不敢壞於其壁中得古文經傳休侯富坐戍反

免侯削屬籍久之聞其數諫戊乃更封為紅侯太夫人與賈太后

有親懲山東之寇求留京師詔許之富子辟彊等四人共養仕於

朝

戊四年冬十月戊戌晦日有食之

移置漢書載十月日食事在秋七月之後夫漢既以建亥之月

為歲首則每歲之末無冬十月故移置之四年之首然漢書五行志此歲無日食事

春復置關用傳出入

應劭曰文帝十三年除關無用傳  
至此復用傳以七國新反備非常

夏四月己巳立子榮為皇太子  
子微為膠東王初七國已破竇嬰以功封魏其侯又以為太子傅

故每朝議大事條侯與魏其列侯莫敢與抗禮  
六月赦天下

秋七月臨江王闕薨  
初吳楚七國反吳使者至淮南淮南王安

欲發兵應之其相曰王必欲應吳臣願為將王乃屬之相已將兵

因城守不聽王而為漢漢亦使曲城侯將兵救淮南  
曲城侯名徒班

志曲城縣屬東萊郡以故得完吳使者至廬江  
補註廬江即廬州府廬江王賜不應而

往來使越至衡山  
補註衡山即今衡州府之六安州衡山王勃堅守無二心及吳

楚已破衡山王入朝上以為貞信勞苦之曰南方卑溼徙王王於

濟北以褒之廬江王以邊越數使使相交  
師古曰邊越者邊界與越相接據班志廬江故

淮南文帝初分淮南為廬江國在江南若班志之廬江郡則其地



盡在江北矣徙為衡山王王江北衡山王都六其地在江北

五年春正月作陽陵邑班志陽陵縣屬馮翊本弋陽縣案隱曰帝豫作壽陵於此因更縣名在長安東

北四十里夏募民徙陽陵賜錢二十萬遣公主嫁匈奴單于徙

廣川王彭祖為趙王濟北貞王勃薨初梁王武以至親有功

得賜天子旌旗從千乘萬騎東西馳獵擬於天子帝聞之心弗善

也太后知帝意乃怒梁使者弗見案責王所為王使中大夫韓安

國入使安國見大長公主而泣曰何梁王為子之孝為臣之忠而

太后曾弗省也夫前日吳楚齊趙七國反時自關以東皆合從西

向梁王念太后帝在中而諸侯擬亂一言泣數行下跪送臣等六

人將兵擊卻吳楚吳楚以故兵不敢西而卒破亡梁王之力也今

太后以小節苛禮責望梁王梁王父兄皆帝王所見者大故出稱

譚人言警車旌皆帝所賜也即欲以侂郿縣驛馳國中以告諸侯  
令天下盡知太后帝愛之也

侂音差  
去聲

今梁使來輒案責之梁王恐

日夜涕泣思慕不知所爲何梁王之爲子孝爲臣忠而太后弗恤  
也大長公主具以告太后太后喜言之於帝帝免冠謝太后曰兄  
弟不能相教乃爲太后憂悉見梁使厚賜之太后長公主亦厚賜  
安國旣而安國坐法抵罪蒙獄吏田甲辱安國安國曰死灰獨不  
復然乎甲曰然即溺之居無何梁內史缺漢使使者拜安國爲梁  
內史甲懼亡走安國曰甲不就官我滅爾宗甲因肉袒謝安國笑  
曰可溺矣公等足與治乎卒善遇之

竈六年冬十二月雷霖雨

雨三日以  
往爲霖

初上爲太子薄太后以薄

氏女爲妃及卽位爲皇后無寵秋九月皇后薄氏廢 楚文王禮

薨 初燕王臧荼有孫女曰臧兒嫁為槐里王仲妻生男信與兩

女而仲死班志槐里縣屬扶風秦之廢邱也高祖二年更名更嫁長陵田氏生男蚡勝蚡音

忿文帝時臧兒長女為金王孫婦生女俗臧兒卜筮之曰兩女皆

當貴臧兒乃奪金氏婦金氏怒不同予決決絕也內之太子宮生男

徹徹方在身身與嫖同時王夫人夢日入其懷及帝即位長男榮為太

子其母栗姬齊人也長公主嫖欲以女嫁太子嫖文帝女景帝之姊師古曰年最長

故謂之長公主余謂帝女稱公主帝之姊妹稱長公主嫖降堂邑侯陳午生女是為武帝陳皇后栗姬以後宮諸

美人皆因長公主見帝故怒而不許長公主欲與王夫人男徹王

夫人許之爾鑑武帝故事云初武帝為太子時長主公欲以女配帝時帝尚小長公主指女問帝曰得阿嬌好否帝曰若

得阿嬌當以金屏貯之主大喜乃以配帝 是長公主曰謾栗姬而譽王夫人男之美

帝亦自賢之又有曩者所夢日符計未有所定帝嘗體不安屬諸

姬子於栗姬曰吾百歲後善視之栗姬怒不回應言不遜帝心銜

之而未發也王夫人知之陰使人趣大行

晉灼曰禮有大行人小行人主議官臣瓚曰大

行是官名掌九儀之制以賓諸侯者師古曰大行令本名行人典客屬官也後改曰大行令余按班表帝中六年改典客曰大行令武帝太初元年改大行令為大鴻臚更名行人為大行令意其有誤不然則追書也原父曰史記文景事最略漢書則頗有所錄蓋班氏博採他書成之故於景帝世謂典客為鴻臚行人謂大行請又他書即武帝時官記景帝世事班氏失於改耳非表誤也請立栗姬為皇后帝怒曰是而所宜言邪而汝遂按誅大行

七年冬十一月己酉廢太子榮為臨江王太子太傅竇嬰力爭

不能得乃謝病免栗姬惡恨而死庚寅晦日有食之二月丞

相陶青免乙巳太尉周亞夫為丞相罷太尉官夏四月乙巳立

皇后王氏丁巳立膠東王徹為皇太子是歲以太僕劉舍為

御史大夫

劉舍高祖功臣族劉婁之子婁本項氏親賜姓

濟南太守郅都為中尉始都

三才圖會卷之四 歷代帝王紀 晉書卷六十七 晉書卷六十七 晉書卷六十七

爲中郎將敢直諫嘗從入上林賈姬如廁賈姬卽賈夫人生趙野王彭祖中山王勝野

薨卒來入廁上目都都不行上欲自持兵救賈姬都伏上前曰亡

一姬復一姬進天下所少甯賈姬等乎陛下縱自輕奈宗廟太后

何上乃還疑亦去太后聞之賜都金百斤由此重都都爲人勇悍

公廉不發私書問遺無所受請謁無所聽常自稱曰已伯親而仕

固當奉職死節官下終不顧妻子矣及爲中尉先嚴酷行法不避

貴戚列侯宗室見都側目而視號曰蒼鷹師古曰言其鷙擊之甚

注中元年夏四月乙巳赦天下 地震 衡山原都雨雹大者尺

八寸原都地名蓋屬焉止國 六月壬戌彗星見西南大如二斗器

中二年春二月匈奴入燕 三月臨江王榮坐侵太廟廟墻垣

爲宮徵詣中尉府對劄帝卽位之初令天下郡國各立太廟太宗之廟故臨江王限亦有之師古曰簡省缺

辭之臨江王欲得刀筆為書謝上而中尉郢都禁吏不予魏其侯

使人閒與臨江王

何則臨而與之也魏其侯費嬰班志魏其侯國屬東郭郡

臨江王既為書謝

上因自殺買太后聞之怒覺都官未幾帝又使使持節拜都為鴈

門太守

是武帝改郡守為太守故太守之名始見於此

匈奴素聞都名引兵去不敢近鴈

門匈奴至為個人象都令騎馳射莫能中其見憚如此太后復中

都以危法帝曰都忠臣欲釋之太后曰臨江王獨非忠臣邪於是

斬都初臨江王之被徵也祖于江陵北門既登車軸折車廢江陵

父老流涕竊言曰吾王不反矣既而為到都所偪死江陵北門遂

存而不改既而禁蓋田蕪數萬銜土置冢上百姓憐之夏四月

有星孛于西北立皇子越為廣川王寄為膠東王秋九月甲

戌晦日有食之梁王寵信羊勝公孫詭以詭為中尉勝詭多奇

邪計欲使王求為漢嗣栗太子之廢也

太子帶栗姬之子故號栗太子

太后意欲

以梁王為嗣嘗因置酒謂帝曰吾聞殷道親親周道尊尊其義一

也

親親謂親其弟而授之尊尊謂尊其祖之正體故立子二語出尚書緯

安車大駕用梁王為寄帝

跪席舉身曰諾能酒帝以訪諸大臣大臣袁盎等曰不可昔宋宣

公不立子而立弟以生禍亂五世不絕

宋宣公舍其子與夷而立穆公穆公又舍其子馮而

立與夷其後馮卒與與夷爭國

小不忍害大義故春秋大居正由是太后議格遂

不復言王又嘗上書願賜容車之地徑至長樂宮自使梁國士眾

築作甬道朝太后袁盎等皆建以為不可

建建議也

梁王由此怨袁盎

及議臣乃與羊勝公孫詭謀陰使人刺乏時盎以病免家居與閭

里浮沈相隨行關雞走狗雒陽劇孟嘗過盎盎善待之安陵富人

有謂盎曰劇孟博徒將軍何自通之盎曰劇孟雖博徒然母死客

送葬車千餘乘此亦有過人者且緩急人所時有夫一旦有急叩門不以親爲解不以存亡爲辭天下所望者獨季心劇孟耳今公常從數騎一且有緩急甯足恃乎罵富人弗與通諸公聞之皆多盜故刺客之來問盜於人人諸公譽之皆不容口乃見盜曰臣愛梁王金來刺君聞君長者吾不忍刺然後刺君者十餘曹備之盜心不樂家又多怪乃至楮生所問占還梁刺客後曹輩果遮盜刺殺之安陵郭門外及他議臣十餘人

司馬遷曰袁盎雖不好學亦善傳會仁心爲質引義慷慨遭孝文初立資適逢世時以變易及吳楚一說說雖行哉然復不遂好聲矜賢竟以名敗

時求賊未得於是天子意梁逐賊果梁所爲上遣田叔呂季主往



按梁串捕公孫詭羊勝詭勝匿王後宮使者十餘輩至梁責二千石急梁相軒邱豹及內史韓安國以下舉國大索月餘弗得安國聞詭勝匿王所乃入見王而泣曰主辱者臣死大王無良臣故紛紛至此今勝詭不得請辭賜死王曰何至此安國泣數行下曰大王自度於皇帝孰與臨江王親王曰弗如也安國曰臨江王適長太子以一言過廢王臨江用宮垣事卒自殺中尉府何者治天下終不用私亂公今大王列在諸侯誅邪臣浮說誅之爲言誘也。誅音恤。犯上禁撓明法天子以太后故不忍致法於大王太后日夜涕泣幸大王自改大王終不覺寤有如太后宮車卽晏駕大王尙誰攀乎語未卒王泣數行下謝安國曰吾今出勝詭王乃令勝詭皆自殺出之上由此怨望梁王初王與勝詭有謀枚乘嚴忌皆不敢諫鄒陽

獨爭以爲不可故勝詭譏之王怒下之吏將欲殺之鄒陽乃從獄

中上書曰臣聞忠無不報信不見疑臣常以爲然徒虛語耳昔者

荆軻慕燕丹之義白虹貫日太子畏之

燕太子丹使荆軻刺秦王

虹貫日白虹兵象日者象也

衛先生爲秦畫長平之事太白蝕昂而昭王疑之

白起伐趙破長平欲遂滅之令衛先生說昭王請益兵其情誠上達于天故太白蝕昂昂趙分也將有兵故太白蝕之也樊於期借首事見六卷荆軻刺秦王時夫精變天地而信不諭兩主豈不哀哉今臣盡忠

竭誠畢議願知左右不明卒從吏訊爲世所疑是使荆軻衛先生

復起而燕秦不寤也願大王熟察之語曰有白頭如新傾蓋如故

何則知與不知也故昔樊於期逃秦之燕藉荆軻首以奉丹之事

王奢去齊之魏臨城自剄以卻齊而存魏夫王奢樊於期非新於

齊秦而故於燕魏也所以去二國死兩君者行合於志而慕義無

窮也

王奢齊臣也亡之魏齊伐魏奢登城謂齊將曰今君之來不過以奢故也義不苟生以爲魏累遂自剄

故女無

美惡入宮見妬士無賢不肖入朝見嫉昔者魯聽季孫之說而逐孔子宋信子罕之計而囚墨翟夫以孔墨之辯不能自免於讒諛而二國以危何則眾口鑠金積毀銷骨也書奏梁王王使人出之卒爲上客及梁事敗勝詭死王恐誅乃思陽言深辭謝之齊以千金令求方略解罪於上者陽素知齊人王先生年八十餘多奇計卽往見語以其事王先生曰難哉人主有私怨深怒欲施必行之誅誠難解也以太后之尊骨肉之親猶不能止況臣下乎今子欲安之陽曰鄒魯守經學齊楚多辯智韓魏有奇節吾將歷問之王先生曰子行矣還過我而西鄒陽行月餘莫能爲謀還過王先生曰臣將西矣爲如何王先生曰吾先日欲獻愚計以爲眾不可益

竊自薄陋不敢道也若子行必往見王長君事無過此者矣鄒陽發席于心曰徹諾辭去不過梁徑至長安因客見王長君長君者皇后兄也陽留數日乘閒而請曰臣非爲長君無使合於前故來侍也愚竊竊不自料願有謁也長君跪曰幸甚陽曰竊聞長君弟得幸於上後宮莫及而長君行迹多不循道理者今袁盎事即窮竟梁王伏誅太后無所發怒切齒側目於貴臣竊爲足下憂之長君曰爲之奈何陽曰長君誠能精爲上言之得毋竟梁事長君必固自結於太后太后厚德長君入於骨髓而長君之弟幸於兩宮如淳曰兩宮太庫音后宮及帝宮也金城之固也昔者舜之弟象日以殺舜爲事及舜立爲天子封之於有庠庫音夫仁人之於兄弟無藏怒無宿怨厚親愛而已是以後世稱之以是說天子微幸梁事不奏長君曰諾

乘閒入言之帝怒稍解是時太后憂梁事不食日夜泣不止帝亦

患之會田叔等按梁事來還至霸昌廐

霸昌廐在長安東折地志在雍州萬年縣東北三十

里取火悉燒梁之獄辭空手來見帝帝曰梁有之乎叔對曰死罪

有之上曰其事安在田叔曰上毋以梁事爲問也上曰何也曰今

梁王不伏誅是漢法不行也伏法而太后食不甘味臥不安席此

憂在陛下也上大然之使叔等謁太后且曰梁王不知也造爲之

者獨在幸臣羊勝公孫詭之屬爲之耳謹已伏誅死梁王無恙也

太后聞之立起坐餐氣平復梁王因上書請朝既至關茅蘭說王

使乘布車從兩騎入匿於長公主園

服虔曰茅蘭孝王大夫張曼曰布車降服自比喪人也

漢使使迎王王已入關車騎盡居外不知王處太后泣曰帝果殺

吾子帝憂恐於是梁王伏斧質於闕下謝罪太后帝大喜相泣復

如故悉召王從官入關然帝益疏王不與同事釐矣帝以田叔爲  
賢擢爲魯相叔初到官民訟王取其財物者百餘人叔取其渠率  
二十人各笞五十餘各搏二十怒之曰王非若主耶何敢自言若  
主魯主餘聞之大慙發中府錢使相償之相曰王自奪之使相償  
之是王爲惡而相爲善也相毋與償之於是王乃盡償之魯王好  
獵相嘗從入苑中王輒休相就館舍相出常暴坐待王苑外王數  
使人請相休終不休曰吾王暴露苑中我獨何爲就舍魯王以此  
不大出遊數年卒於官魯以百金祠少子仁不受也曰不以百金  
傷先人名

甲申二年冬十一月罷諸侯御史大夫官 夏四月地震 旱禁

酤酒

酤賣酒也

五月丁巳立皇子乘爲清河王

高帝置清河郡於齊趙之間今以爲王國

秋九月蝗 有星孛於西北 戊戌晦日有食之 初土廢粟

太子周亞夫固爭之不得上由此疏之而梁孝王每朝常與太后

言條侯之短竇太后曰皇后兄王信可侯也帝讓曰始南皮章武

先帝不侯

南皮受竇彭祖太后弟長君之子章武侯竇廣國太后弟也班志南皮章武皆屬勃海郡

及臣卽位

乃侯之信未得封也竇太后曰人生各以時行耳自竇長君在時

竟不得侯死後其子彭祖顧得侯吾甚恨之帝趣侯信也帝曰請

得與丞相議之上與丞相議亞夫曰高皇帝約非劉氏不得王非

有功不得侯今信雖皇后兄無功侯之非約也帝默然而止其後

匈奴王徐盧等六人降帝欲侯之以勸後丞相亞夫曰彼背主降

陛下陛下侯之則何以責人臣不守節者乎帝曰丞相議不可用

乃悉封徐盧等爲列侯亞夫因謝病九月戊戌亞夫免以御史大

夫桃侯劉舍為丞相

索隱曰桃縣屬信都郡

永中四年夏蝗

冬十月戊午日有食之

永中五年夏立皇子舜為常山王

高帝置常山郡屬趙國呂后分為王國文帝併為趙國今復以

王

六月丁巳赦天下

大水

秋八月己酉未央宮東闕災

九月詔曰獄人之大命死者不可復生更或不奉法令以貨賂為

市朋黨比周以苛為察以刻為明令無罪者失職朕甚憫之有罪

者不伏罪姦法為暴甚無謂也諸獄疑若雖文致於法

謂原情定罪本不至

於死而以律

而於人心不厭者輒讞之

服也獄平議也。讞音歌又音顯

地震

丁巳六年冬十月梁王來朝上疏欲畱上弗許

褚少孫曰諸侯王朝見天子漢法凡

當四見耳始到入小見到正月朔旦奉皮薦璧玉賀正月法見後三日為王置酒賜金錢財物後二日復入小見辭去凡畱長安不

過二十日小見者燕見於禁門內飲於省中

王歸國意忽忽不樂

十一月改諸官名



改廷尉爲大理將作少府爲大匠奉常爲太常典客爲大行令長  
信詹事爲長信少府將行爲大長秋主爵中尉爲都尉 文帝五  
年聽民放鑄錢法大亂民又多作僞金終不可成而徒損費轉相  
誑耀窮則起爲盜賊至是乃定鑄錢僞黃金棄市律 春二月乙  
卯上行幸雍郊五時 三月雨雪 夏五月詔曰夫吏者民之師  
也車駕衣服宜稱無度者或不吏服出入閭里與民無異令長吏  
二千石車朱兩轡千石至六百石朱左轡不如法者三輔舉之  
上既減笞法笞者猶不全乃下詔曰加笞者或至死而笞未畢朕  
甚憐之其減笞三百曰二百二百曰一百又曰笞者所以教之也  
其定箠令 師古曰箠策也所以擊者也○箠音蕊 箠長五尺其本大一寸竹也末薄  
半寸皆平其節當笞者箠 如蒲曰然則先時得得更人畢一罪

乃更人自是答者得全然死刑既重而生刑又輕民易犯之 六

月匈奴入鴈門至武泉入上郡取苑馬

鴈門有匈奴之險如瀋曰漢書注太僕牧師諸苑三

十六所分布北邊西邊以郎為苑監官奴婢三萬人養馬三十萬匹師古曰武泉雲中縣也養馬獸通名曰苑故謂牧馬處曰苑食

皆志景帝始造苑馬以廣川

吏卒戰死者二千人死是李廣為上谷太守匈奴

日以合戰與屬國公孫昆邪為上泣曰李廣才氣天下無雙自負

其能數與虜敵戰恐亡之於是徙為上郡太守嘗從百騎出遇匈

奴數千騎見廣以為誘騎

誘騎者見少以誘敵

皆驚上山陳

師古曰為陳以待廣也

廣

之百騎皆大恐欲馳還走廣曰吾去大軍數十里今如此以百騎

走匈奴追射我立盡今我留匈奴必以我為大軍之誘必不敢擊

我廣令諸騎曰前並未到匈奴陣二里所止令曰皆下馬解鞍其

騎曰虜多且近即有急奈何廣曰彼虜以我為走令皆解鞍以示

不走用堅其意於是胡騎遂不敢擊有白馬將出護其兵李廣上馬與十餘騎犇射殺白馬將而復還至其騎中解鞍令士皆縱馬臥是時會暮胡兵終怪之不敢擊夜半時胡兵亦以爲漢有伏軍於旁欲夜取之胡皆引兵而去平旦李廣乃歸其大軍 梁孝王薨王北獵良山有獻牛足出背上王惡之六月中病熱六日而薨王慈孝每聞太后病口不能食居不安寢常欲留長安侍太后故太后愛之及薨竇太后聞之哭極哀不食曰帝果殺吾子帝哀懼不知所爲與長公主計之乃分梁爲五國盡立孝王男五人爲王買爲梁王明爲濟川王彭離爲濟東王定爲山陽王不識爲濟陰王女五人皆食湯沐邑奏之太后太后乃說爲帝加一餐孝王未死時財以巨萬計及死藏府餘黃金尙四十餘萬斤他物稱是

秋七月辛亥晦日有食之 自郅都之死長安左右宗室多暴犯  
法上乃召濟南都尉南陽甯成為中尉成好氣為人小吏必陵其  
長吏為人上操下急如束溼薪猾賊任威稍遷至濟南都尉而郅  
都為守始前數都尉皆步入府因吏謁守如縣令其畏都如此及  
成往直隴都出其上都素聞其聲於是善遇與結驩及為中尉其  
治效郅都其廉弗如然宗室豪傑皆人人惴恐 城陽其王喜薨  
其王喜文帝勅四年嗣父章薨為王八年  
徙王淮陽後四年復還城陽至是而薨

**戊戌**後元年春正月詔曰獄重事也人有智愚官有上下獄疑者獄

有司有司所不能決移廷尉讞而後不當讞者不為失師古曰假  
令讞訖其  
理不當所讞之  
人不為罪失 欲令治獄者務先寬 三月赦天下 夏大酺五

日民得酤酒中三年禁民酤  
酒今弛此禁 五月丙戌地震上庸地震二十二

日班志上庸縣壞城垣 秋七月丙午丞相舍免舍之免相也竇

太后數言魏其侯帝曰太后豈以臣有愛不相魏其魏其者沾沾

自喜耳多易難以爲相持重遂不用 乙巳晦日有食之 八月

壬辰以御史大夫衛綰爲丞相衛尉南陽直不疑爲御史大夫初

不疑爲郎同舍有告歸悞持其同舍郎金去已而同舍郎覺亡意

不疑不疑謝有之買金償後告歸者至而歸金亡金郎大慙以此

稱爲長者稍遷至中大夫人或延毀不疑以爲盜嫂不疑聞曰我

乃無兄然終不自明也 帝居禁中召周亞夫賜食獨置大胾師

日釐大樽孔穎達曰熟肉帶而無切肉又不置箸亞夫心不平願

謂尚席取箸應劭曰尚席上視而笑曰此非不足君所乎孟康曰

箸者此非不足滿於君所乎嫌似之也如謂曰非故不足君之食

具偶失之也師古曰孟說近之帝言賜君食而不設箸此由我意

於君有不足乎亞夫免冠謝上上曰起亞夫因趨出上目送之曰此鞅鞅

非少主臣也居無何亞夫子爲父買工官尙方甲楯五百被可以

葬者如清曰工官官名張晏曰被具也五百具甲楯也取庸苦之不與錢師古曰庸謂賃也苦謂極苦使

也庸知其盜買縣官器怨而上變告子事連汙亞夫書既聞上下

吏吏簿責亞夫師古曰簿責者責之也亞夫不對上罵之曰吾不用

也孟康曰言不用汝對欲殺之也一云帝責吏云召詣廷尉廷尉

責問曰君侯欲反何亞夫曰臣所買器乃葬器也何謂反乎吏曰

君縱不欲反地上卽欲反地下耳吏侵之益急初吏捕亞夫亞夫

欲自殺其夫人止之以故不得死遂入廷尉因不食五日歐血而

死初亞夫未封侯時爲河南守許負相之曰君後三歲而侯侯八

歲爲將相持國秉貴重矣於人臣無兩其後九歲而君餓死亞夫

笑曰臣之兄已代父侯矣有如卒子當代立亞夫何說侯乎然既已貴如負言又何說餓死許負指其口曰有從理入口此餓死法也居三歲其兄勝之有罪孝文帝釋絳侯子賢者皆推亞夫乃封爲條侯至是果餓死獄中是歲濟陰哀王不識薨

紀後二年春正月地一日三動三月匈奴入鴈門太守馮敬與

戰死發車騎材官屯鴈門是春以歲不登禁內郡食馬粟沒入

之師古曰以粟食馬者沒其馬入官夏四月詔曰雕文刻鏤傷農事者也錦繡

纂組害女工者也應劭曰纂今五采屬粹是也組今綬紛縈是也臣瓚曰許慎云纂赤組也師古曰縈說是也粹

會也會五采者今謂之錯采非纂也○粹音醉農事傷則飢之本女工害則寒之原也夫

飢寒竝至而能亡爲非者寡矣朕親耕后親桑以奉宗廟粢盛祭

服爲天下先不受獻減太官省繇賦欲天下務農蠶素有蓄積以

備災害彊毋攘弱眾毋暴寡老者以壽終幼孤得遂長今歲或不

登民食頗寡其咎安在或詐僞爲吏以貨賂爲市漁奪百姓侵牟

萬民也牟取縣丞長吏也姦法與盜盜其無謂也姦法謂借法作姦與盜盜謂其盜爲

盜其令二千石各修其職不事官職耗亂者丞相以聞請其罪布

告天下使知朕意 五月詔曰人不患其不知患其爲詐也不患

其不勇患其爲暴也不患其不富患其無厭也其惟廉士寡欲易

足今貲筭十以上乃得官廉士筭不必眾朕甚愍之貲筭四得官

毋令廉士久失職貪夫長利服虔曰漢法貲萬錢筭百二十七然則十筭十萬也補註衍按應劭註曰

古者疾吏之貪衣食足知榮辱限貲十萬乃得爲吏據應說如是則漢之選官雖其人才德可取又必料檢其家貲滿十萬乃得爲

吏也夫漢高純陳平於亡虜舉婁敬於晚夫豈有選取富人作吏之理愚意貲筭十以上乃得官者直是納貲爲郎之價其錢數必

滿十萬乃得爲郎耳故張釋之司馬相如皆以貲爲郎此其一證而武帝時董仲舒對策亦云長吏多出於郎中中郎吏二千石子



景帝後二年三年

帝選郎又以富貴非必賢也由此言之則知漢初之用人自二千石子弟以蔭得官而外庶士欲為官者必納錢十萬以上乃得為郎中中郎景帝嫌其太多而減之是也然猶未能盡革其弊可為嘆息至武帝始有四科取士之法其選舉方出於才德乃其後兵興財竭至以結羊為郎則郎選益濫矣彼固謂郎職至卑不妨與世通融一以資國用一以禦豪有力者發憤于世之思以杜其不逞無補之患然郎吏一轉即有民社之寄豈可使銅臭之子與方正之士齊驅邪 秋大旱

庚後三年冬十月日月皆食赤五日補註日月皆食之事漢書本紀及五行志皆不載

十二月晦雷日如紫五星逆行守太微月貫天廷中晉天文志云太微天子廷

也五帝座也十二諸侯府也春正月詔曰農天下之本也黃金珠玉飢不可

食寒不可衣以為幣用幣者所以通有無易貴賤也不識其終始閉歲或不登

意為末者眾農民寡也其令郡國務勸農桑益種樹可得衣食物

吏發民若取庸章昭曰發民用其民也取庸取其資以顧用也采黃金珠玉者坐贓為盜

二千石聽者與同罪 甲寅皇太子冠 甲子帝崩於未央宮毒四

太子即皇帝位年十六尊皇太后為太皇太后皇后為皇太后  
班固贊曰孔子稱斯民也三代之所以直道而行也信哉周泰  
之敝罔密文峻而姦軌不勝漢興掃除煩苛與民休息至於孝  
文加之以恭儉孝景遵業五六十載之閒至於移風易俗黎民  
醇厚周云成康漢言文景美矣

二月癸酉葬孝景皇帝於陽陵

臣瓚曰自崩及葬凡十日

三月封皇太后同

母弟田蚡為武安侯

班志武安縣屬魏郡

勝為周陽侯

史記正義絳州聞喜縣東二十九里有周

陽故城

初王太后在民間為金王孫生女及為皇后諱言之帝既

立弗知也韓嫣

嫣字王孫弓高侯驥當之孽孫也素得幸於帝

乘閒白言太后有女在長

陵也帝曰何不早言乃自往迎取之蹕道先驅旄騎出橫城門乘

輿馳至長陵當小市西入里里門閉暴開門乘輿直入此里通至

金氏門外止使武騎圍其宅爲其亡走身自往取不得也卽使在

右羣臣入呼求之家人驚恐女亡匿內中牀下扶持出門令拜謁

帝下車泣曰嘆大姊何藏之深也

嘆音瓦北人驚而大嘆之聲

詔副車載之迴

車馳還直入長樂宮謁太后太后曰帝倦矣何從來帝曰今者至

長陵得臣姊與俱來顧曰謁太后太后曰女某邪曰是也太后爲

下泣女亦伏地泣帝奉酒前爲壽奉錢千萬奴婢三百人公田百

頃甲第以賜姊太后謝曰爲帝費焉於是召平陽主南宮主林慮

主俱來謁見姊因號曰脩成君 韓嫣者弓高侯孽孫也少與上

學書相愛嫣善佞上卽位欲事伐匈奴而嫣先習胡兵以故益尊

貴官至上大夫賞賜擬於鄧通嫣常與上臥起後江都王入朝從

獵上林中上未出先使嫣乘副車馳視獸江都王望見以爲天子

辟從者伏謁道旁。嬀不見。江都王怒。見太后而泣。太后中之以

法。賜嬀死。

附錄西京雜記云。嬀好彈箏。以金爲丸。所失者日有十餘。京師兒童每聞嬀出。彈輒隨之。以拾丸。長安中爲之

語曰。苦飢寒。逐彈丸。

資治通鑑補卷十六終